



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.672




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.672




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.672





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.672






1. 6. 672







Q. D. B. V.

DE

REGNO

AUSTRASIAE,

Instituta sententiarum collatione,

In Auditorio Academiae

magno.

PRAESIDE

CONRADO SAMUELE

SCHURZFLEISCHIO,

Historiarum & Humaniorum

Literarum Prof. P.

differendo

vires experietur

HENRICUS FOCK,


Lubecensis.

Ad diem XV Decembris

Anno M, DC XCH.



VITEMBERGAE, Prelo GODERITSCHIANO.



REVERENDISSIMO SERENISSIMOQVE
PRINCIPI AC DOMINO

DNO. AUGUSTO
FRIDERICO,
HEREDI NORVVEGIAE, POSTU-
LATO EPISCOPO LUBECENSIDU-
CI SLESVICI, HOLSATIAE, STOR-
MARIAE ET DITMARSORUM,
COMITI OLDENBURGI,
AC DELMENHORSTI
&c. &c. &c.

DOMINO MEIO CLEMENTISSIMO

*Felicitatem perpetuam, Vitam longam,
Gloriam Immortalem!*



letas mea postulat ut
Serenitati Tuae primi-
tias studiorum sacras
esse cupiam, & summa animi
religione obsequium, quo iu-
re teneor, sanctissime confir-
mem. Memor enim sum be-
neficiorum, quæ in me exstant,
maximorum, & doleo meam
vicem, in primis obtenuitatem
ingenii, & facultatum inopiam,
unde nihil polliceri habeo, quod
tanti & tam excelsa stirpe nati
Principis expectatione dignum
videatur. Facio tamen, non
quod possum, sed quod de-
beo,

III
beo, imitatus priscorum ritus
sacrificantium, qui cum thure
non litarent, fide partes suas ex-
plere contenti, in votis preci-
busque acqvierunt. Non enim
is sum, qui verbis exprimam
laudes maximi Principis, quas
ne disertissimus quidem potest,
& ego vix animo complecti
queo, ac digne venerari. Ete-
nim Dei vicem refert in terris,
& altissimum gradum inter ho-
mines consecutus es, ad quem
non sine metu quodam accedo,
nectamen conspectum refugio,
subnixus fiducia clementiae,
qva

qua omnes , etiam humilimos
Clientes Tuos dignaris. Qvare
Deo , ut par est, supplicare sa-
tis habeo , ut *Reverendissimam*
Serenitatem Tuam, *Serenis-*
simamque Coniugem, & *Domum*
universam Ecclesiae , Patriae,
bonis omnibus & clientibus, in-
ter hos mihi denique, saluum at-
que incolumen servet, & in mul-
tos serosque annos felicem invi-
ctumque tueatur. Wittebergae
EID. Decembr. A. clō Idc xciii.

REVERENDISSIMAE TUAE
SERENITATIS

Subiectissimus
HENRICUS FOCK.



TU patriæ, tu, clare, tuæ spes maxima surgis,
Et defenſa dabis jura domosq; toga.

*Nobiliffimo FOCKIO benevo-
lentia teſtanda ſcripſit*

JO. GOTHOFREDUS BERGER, D.
Academiæ h. t. Reſtor.



*Hiſtoriam Themidos ſtudio dum jungere monſtras,
Ingens Doctrina TE manet indè decus.*

*Maçte Tuis Muſis, quin porrò adſpiret iisdem
Namen, quò Patriæ Commoda ritè juves!*

Hæc Dn. FOCKIO honoris ergo
adjicere voluit

C. S. L. B. de Hoym.



Wenn ſich ein eitler Menſch ohn allen Grund erhebt/
Was hilfftes Ihm denn mit eitlern Lobe prangen?
Wenn aber ein Gemüht in Fleiß und Tugend lebt/
Das muß gewiß den rechten Ruhm erlangen:
Drum wird Sein wohlgegründtes Thun und Wagen
Mit allem Recht erwünſchte Früchte tragen.

Glückwünſchend ſetzte dieſes

C. A. Fr. von Frieſen.

XI

De

De Regno Austrasiæ historice disputanti
Nobilissimo & Praclarissimo
DN. HEINRICO FOCKIO,
LL. Candid. & civi Lubecensi præstantissimo.
PHILIPPUS LUDOV. HANNEKENTUS, D.
prosperitatem in Dom :

NOva regna novis Magnorum Principum virorumq; consiliis innituntur, quæ, nisi habeat exploratissima, nemo felici commentatione in notitiam aliorum & posteritatis traducet; exploratissima autem habens, & prudenti comperta iudicio, historicâ scriptione adeo tenebitur modificare, ut inter verum tumq; medi9, ita de rebus gestis, gestarumq; justitia aut injustitia, disserat, ut nec veritati deroget officiatq; , nec periculum famæ vitæq; incurrat. Periculosa certè sunt historicorum fata, magnis solum animis superanda, qui veritatis amore concitati haud in magno ponunt discrimine, bonane an adversa sit laboris merces futura, in eum tantum finem contuendo, ut illud in cognitione rerum præcipuè salubre ac frugiferum teneatur, ab omni exempli illustri documento privata & publica capere imitamenta, sæda autem inceptu, sæda exitu vitare, & divinæ admiranda providentiæ in spei salutaris infallibile subsidium observare. Pontificis olim auctoritas erat sanctitasq; historias condere & annales perscribere. Sed quorsum hæc, ad te scientem, Fautor honoratissime? Ut te sub Excellentissimo Præside tuo, incomparabili sæculi nostri Historico, de regno Austrasiæ majoribus causarum momentis intentum tactu amico & theologico vellicarem, & ad superiora indentidem reflectere juberem. Quod superest, gratulor tam illustri argumenti dissertationisq; historicæ spartam tibi, Vir Clarissime, & spei Patriæ tuæ civiumq; per hæc & alia studiorum documenta cumulate satisfaciendi multos de futuro honores auguror; quibus ut prosperrime tandem perfruaris, à gratia DEI precibus devotis contendo. Vale etiam atq; etiam, & tuum erga me continua amorem favoremq; ! Scrib: Witteb: A.O.R. M. DC. XCIII. XII. Kal. Dec.

Aspice,

Aspice, quam rapidos diffundat FOCKIUS ignes,
 Quamque petat celeri culmina docta gradu.
 Non hunc currentem potuit tardare Calypso,
 Sirenumve leves illaqueare chori.
 Nec sua pervigili porrexit pocula Circe,
 Sed Themis insomnes jussit habere faces.
 Sæpe caput doctis visum est consurgere rostris,
 Ipsius & justo Cæsaris ore loqui.
 Sæpe vel in sacros studuit penetrare recessus,
 Nec procul à Divûm Relligione fuit.
 Nunc ubi tam celebri specimen Duce sistitur orbi,
 Fama suum rectis passibus urget iter.
 Lætor, & egregiis faveo plaudoque triumphis,
 Ac Clarum Patriæ gratulor inde Virum.

Amico & Commensali suavissimo dabat

JO. GEORGIUS NEUMANNUS, D.



EGregiô cursu conscendis culmen honoris,
 Ex quo Te meritò præmia magna manent.
 Leucoris certatim solennia gaudia jungit,
 Et disceptanti dat pia vota TIBI!

G. MICHAEL HEBER. D.

) (2

Juven-

Juveni gente patricio & ingenio florenti

DN. FOCKIO

Publicè disputanti

S. P. D.

JO. HENRICUS BERGER D.

GAvissus primum sum vehementerq; lætatus, quod mentem Tuam humi defixam non esse intellexi, sed Te ad audiendum non minus inexhaustam discendi aviditatem quam ingenii docilitatem & mores emendatos afferre. Postea vero quam Tibi confitisti, cogitare cœpi, nec Te inani quodam impetu incitari, quem labor mox retundat, sed magna Te spectare ad eaq; rectis studiis contendere. Neque unquam de Te existimare destiti. Video enim adeo Te in his studiis non refrixisse, ut majores spiritus indies magis magisq; sumseris, nec conquieveris in Jure Civili sed undecunq; conquissiveris omnia & seposueris, quibus hæc scientia Tibi fieret instructor. Hoc diligentiae testimonium satis sit. Sed prudentiae specimen dedisti, quod doctis viris familiariter usus es & in eorum convictu, quoad nobiscum fuisti, constanter mansisti, imprimis quod à latere Viri CL. CONRADI SAMUELIS SCHURTZFLEISCHI nunquam discesisti. Ab hoc enim reconditas & interiores literas didicisti, & omnia doctrinae adjumenta habuisti. Ac tantum abest, ut nunc demum secus de Te, atq; antea, sentiam, cum tali & tanto duce de rebus gravissimis, inspectantibus & audientibus doctissimis hominibus, differis, magnoq; omnium assensu agis: ut potius de Te non amplius conjiciam beneq; sperem, sed omnibus argumentis convictus plane confidam, his virtutibus Tuis mox futurum, ut Patris patriæq; expectationem laudum exemplis vincas & ornamenta ampla & cumulata domum Tuam gloriâ opibusq; fundatissimam inferas. Vale!

Non

VI

NOn facere possum, quin tibi, FOCKI NOBILISSIME, enixe gratuler egregios conatus, studiumq; tuum in suscipiendis & perferendis laboribus, qui tum ad artem æqui boniq;, tum ad rerum gestarum monumenta pertinent, magnopere commendem. Nuper admodum cum in Themidis campum descenderes, quamvis ingenii tui, qui cultus, quæ legum peritia, ostendisti, atq; ita quidem egisti id, ut applausum merueris & approbationem. Nunc quia plenissime intelligis, quantum in historia illi situm, qui vitam civilem & prudentiam sectatur, atq; non obscuro in loco, sed in luce versari cupit: nobile & elegans argumentum & vulgi captum superans aggredieris, atq; hac doctrinæ fiducia laudes tuas cumulas, & ad altiora tibi sternis viam. Qua in re cum Ducem nactus sis Græca & Latina facundia celeberrimum Virum, rerum populorum omnium atq; temporum scrutatorem solertissimum, consummatissimumq;, quam maxime te felicem & fortunatum esse iudico: nam ita habeo multum referre, uti in alio, ita in hoc præsertim studiorum genere, quibus autoribus & magistris indoles utatur cupida & capax juventutis. Virtus quidem sibi ipsi præmio est, nec aliunde expectat mercedem: sed & illustris Patria tua tot tantisq; exemplis docet probatq; justo loco haberi & ex æquo æstimari clara facinora, & fructus ferre labores & vigilias maturos & cumulos. Quos tibi non defuturos esse haud vane ego auguror, cui ex domestica consuetudine elegantia morum quoq; & modestia tua perquam nota est & perspecta. Illos ut DEUS immortalis & tibi & quæ magnam de te spem alunt, optimis & Nobil. Parentibus, & laudatissimæ Patriæ bene evenire sinat, ex animo precor & opto. Vittebergæ apud Saxones. Pridie. Calend. Decembr. Ann. M. DC. XCIII.

C. H. Horn. D. P. P.

B. C. D.

Scribitur AVSTRASIAE Regnum Doctissime
FOCKI,

Hocce Tuo calamo iudicioq; gravi.
Ingenio condigna Tuo est, est ungveq; roso
Materies, & quae scrinia prisca quatit:
Candore heic opus est, non blandimenta requi-
rit,

Quae Domino eripiunt, quod fuit ante su-
um.

Dux Tibi Germanus Doctor SCHVRZFLEISCHIVS
ibit;

Hunc sequere, ut vero tramite rectus eas.
TE Lotharigenae, & Belgae venerentur utriq;
Alsata vindiciis det bona verba Tuis.

TEq; Mosella parens frugumq; Virumq;, bicornis
TE Rhenus, Scaldis, TE Mosa rite co-
lant!

Nobilissimo Dn. FOCKIO J. V.

Candid. digniss.

H. M. L. M. Q. Pos.

GEORGIUS FRANCVS de FRANKENAV,

Aliqvot S.R.I. Elect. ac Principp. Consil. &
Archiat. Com. P. Caes. Prof. P. Acad.
Curios. & Italicae Recuperatorum-
Collega.

Tempo-

Vla
Tempora longa Patrum, Veterum monumen-
taq; nosse,
Quicquid & Annales scriptaq; prisca docent:
Ingenii studium certe cœlestis habetur,
Et scriptis magni iudicioq; Viri;
Nec tamen hoc obstat mi FOCKI, quo minus o-
mnem

Inde Tibi laudem *Leucoris* alma ferat.
Nam Tibi cum rigidi post trita volumina Juris,
Voluisse Historicos, unica cura fuit:
Jam quoq; sub nostro doctis Polyhystore noto
Pulpita Leucoridum non sine laude petis;
Sed sermone gravi multo applausuq; tueris
AUSTRASIÆ leges finitimosq; locos.
Sic illustre decet *Nomen Generisq; Nitorem*,
Per varias Artes nobilitasse suum,
Ingeniumq; capax docta ratione polire,
Ut, cum quid statuit, nil juvenile sonet:
Quod cum *Charta* Tuum præclarum mentis acumen
Hæc præfens rutili tollat ad astra Poli,
Ac stupeant Musæ nostræ, Tibi jure præcantur:
In patriæ laudes crescere perge tuæ!
Moxq; adsit tempus Tibi quod majoris Honoris
Pondus, & ex Studiis digna brabea ferat!

Fausta adclamationis E. scribebat

JOH. CHRISTOPH. WICHMANSHAUSEN. P. P.

Moeh

Nach mehr als tausend lauffen in den Schranken/
Nur einer aber nimt das Kleinod auff:
Viel fangen bald von Anfang an zu wancken/
Die meisten bringen nicht hinaus den Lauff/
Weil in Gedancken sie die Kunst nur schauen/
Und in der Luft sich güldne Schlösser bauen.

Ein Ander handelt nicht mit gleichem Glücke/
Ob einen größern Trieb er bey sich fühlt:
Den andern hält der Mangel oft zurücke
Von dem/ worauff sein scharffes Auge zielt;
Dir aber fehlet nichts von solchen Sachen
So deinen Ruhm unsterblich können machen.

Dein Zweck ist nicht auff eitlem Ruhm bestanden/
Du hast der rechten Weißheit nach gestrebt:
Von dir wird selber Zoilus zu schanden.
Wir haben dieses Glück bereits erlebt/
Daß deine Jahre tausend Früchte bringen.
Gö segne ferner dich in allen Dingen.

Seinem werthesten Gönner und Freunde
wolte dieses glückwündschend
zuschreiben

Desselben ganz ergebenster

Karl Christoff Schuchart.





CAP. I.

AUSTRASIAE ORIGO ET NOMEN,
APPELLATIONES DIVERSAE,
ET RES GESTAE SUB REGIBUS
MEROVINGIS.

I.



Rancia, qua Orientem spectat, inter Rhenum Mosamque sita, regnantibus Merovingis, Austria, & interdum producto vocabulo, Austrasia dicebatur.

II. Hinc passim Austrasii, & Austrasiani in monumentis Francorum celebrantur, eorumque Reges, divisa in quatuor partes Francia, iusto rerum ordine, commemorantur.

III. Quae divisio ab excessu Clodovaei, Magni Franco-gallorum Regis, instituta & peracta est, anno post Christum vulgari quingentesimo & undecimo, quo Theodoricus, nati major, sed ex concubina susceptus filius, regno aquis partibus diviso, Austrasiam in ditionem potestatemque suam redegit.

A

IV. Haec

IV. Haec est solennis illa, cuius Agathias Scholasticus meminit, quadripartita divisio, qua Franci Orientales & Austrasii, Theodorico notho attributi, separatas a Francia Neustrica rationes habuerunt,

V. Meminit hujus tam insignis, tamque apud Francos testatae divisionis Gregorius Turonensium antistes, scriptor Francorum antiquissimus, Franciamque inter quatuor Clodovaei M. filios distributam fuisse tradit, *lib. III, cap. 1. hist. Francor.*

VI, Quae cuique pars in divisione obtigerit, mentione sedium, & illustrium regni cuiusque & aulae domiciliorum facta, exponit definitque Fredegarius, quum Theodoricum (quem ipse Theudericum nominat) in urbe Mediomatricorum regno impositum affirmat. *Sortitus est sedem Theudericus Mettis: in hist. Francorum epitomata cap. XXX.* Haud dubie enim Mettis, sive Metis (non Meltis) sine mendo, pro captu sequioris aevi scribendum. Erat enim ista urbs Regum Austrasiae sedes, ubi inaugurati, & in regni fastigio collocati sunt, *ut liquet ex gestis Dagoberti a monacho sancti Dionysii perscriptis, & ex scriptore vitae Sigeberti Regis. Alios enim consulto praeterimus.*

VII. Theodorico rebus humanis erepto, successit Theodobertus filius, qui cum patre arma sumsit, movitque trans Rhenum; nec fortuna expeditioni defuit, & subacta armis Thuringia, eversoque fortunis

Int
tunis Hermenfrido, insignis Germaniae trans rhena-
nae portio ad Unstrutum usque regno Austrasi-
ae accessit. Patre, cujus auspicio haec gesta sunt, mor-
tuo, decem & quatuor annis Theodobertus regnum
tenuit, Burgundiaeque partem, Godomaro Burgun-
dionum Rege submoto, cum Francia Austrasica, pa-
ctione prius cum patruis inita, conjunxit. *In hanc
rem legendi & componendi sunt Marius Aventicensis,
& Gregorius Turonicus, ille in chronico, quo Prosperi
Aquitani chronicon persecutus est, iste hist. Francor.
lib. III. cap. ult. Eo spectant gesta Regum Francorum
ex Gregorio Turon. potissimum excerpta, cap. 19. 22. 25.
Hinc Aimoinus, qui mortem Theodoberti in annum re-
gni XIII. rejicit, corrigendus est, hist. Franc. lib. II. cap.
25.* Extant tres Theodoberti epistolae ad Justinia-
num Magnum, inter epistolas Francicas, quas pri-
mum edidit Marq. Freberus, in quibus & Imperato-
ri honorem servat & dignitatem, in tertia praecipue
suam tuetur, enumeratis populis, sigillatim Thurin-
gis, qui legibus ejus parebant. *Agathias* commemo-
rat, bellum, si longius vixisset, Justiniano, quod titulo
Imperatoris Francici uteretur, conflaturum fuisse, *lib.
I.* Ante Agathiam *Procopius* testatur, Theodobertum
pleraque per Italiam & Liguriam loca, constantibus
adhuc induciis, occupasse, aut stipendiaria fecisse,
eaque a filio repetiisse, *lib. IV. Historiae Goth.*

VIII. Patre mortuo, regnum suscepit Theodo-
aldus,

Az

aldus, in quo Theodorici, Aufrasiarum Regis, propa-
go defecit. Rex equidem pius, & nulla pravitate corru-
ptus, sed valetudinarius, quietisque cupidus, tranquil-
lum vitae genus omni externae felicitati praetulit,
nec patri, neque avo consilio & virtute par, omiſſis
belli artibus, de more majorum deflexit, nec diu
regno, non glorioſe geſto praefuit, quippe quod
non plus ſeptem annis tenuit & adminiſtravit.
Apud Marium Aventicenſem in Chronico P. C. Baſilii
Anno XIV. Ind. III. Cum quo conſentiunt rationes tem-
porum, quae annum Ch. ſignant DLV. In anno regni
ſeptimo, quo obiit, congruunt Turonicus hiſt. lib. IV. c.
9. & auctor incertus libri, qui ſcribitur geſta Franco-
rum cap. XXVII. Iſte etiam omina & ſigna, quae mor-
tem praeeſſerunt, memoriae tradit, & corpore parum
firmiter, ac tenui valetudine fuiſſe confirmat. De pietate te-
ſtatur Aimoinus, ſed ita, ut crudelitatem non diſſimulet,
hiſt. Francor. lib. II. cap. 25. Foedus, ad quod eum contra
Gothos invitavit Juſtinianus, propter amicitiam cum
Gothis contractam detrectavit, auctore Procopio lib. IV.
Morbum, moremque ejus ab animo generoſo, & ar-
morum ſtudiis alienum, indicavit Agathias, lib. I.

IX. Theudoaldo vita functo, ex tranſverſo a-
gnatorum ordine ſucceſſit in regno Auſtriae Clothar-
ius, robuſto Rex corpore, & aetate adhuc integra,
nec minori fama, rebus bello geſtis parta, ad quam
ſingularis proſpera que fortuna acceſſit, quod fratrem
Childebertum, pari & aequo jure praeditum, ſed viri-
bus

IX

bus inferiorem, filiorumque expertem, metu potentiae absteritum excluderet, & solus hereditatem Austrasiae adiret, eoque sine maribus decedente, magnum insuper Franciae regnum sua unius potestate complecteretur. *Agathias externus quidem, sed non spernendus scriptor, ex Francis tamen supplendus interdum & corrigendus. lib. I. Cum quo jungendi sunt Gregorius Turonensis hist. Franc. I. IV. cap. 9. Fredegarius hist. Francor. epitom. cap. L. Ante utrosque Marius Aventicensis loc. cit. Aimoinus quoque non caute in rationibus temporum versatus est, causamque succedendi a voluntate & beneficio Theudebaldi deduxit, sed cum de eo superiores historicitaceant, actaque illorum temporum aliud ostendant, non possum suffragari Aimoino lib. II. c. 25. Nihil addo de varia scriptura nominum Theudebaldi, Theodobaldi, Theodobaldi, quae per se patet, nec fidem historiae mutat. Eodemque modo nil prohibet, scribaturne Chlotharius, an Chlothacarius, modo nihil de rei veritate detrabatur.*

X. Post Clotharium, hujus nominis primum, Sigebertus inter quatuor superstites ejus filios natu minimus, Austrasiam ex novae partitionis formula consecutus est, eamque anno DLXI. quo decessit pater, suo deinceps auspicio regendam accepit. Sed aliquanto post, profligatis in Thuringia Hunnis, victor ad suos reversus, bellum fratri Chilperico intulit, quod impedito se, & armis hostium distracto, aliquot
ditionis

ditionis suae urbes occupasset. Collecto igitur exercitu, ad ulciscendam fratris injuriam contendit, & urbes, se absente, interceptas, patefacto armis aditu, rursus in ditionem suam redegit, crepturus quoque ei regnum, nisi Fredegundis reginae scelere sublatus fuisset. Igitur quarto decimo regni anno Sigebertus vivere desiit, relicto unico filio Childeberto, qui patris successor An. post natalem Christi DLXXV. Rex Austrasiae inauguratus, & mortuo Guntramno patruo, quod An. D XCIII. accidit, regno Burgundiae auctus est, cuius aequae fortitudo ac prudentia laudatur. Tribus post annis, quam Burgundiones cum regno conjunxit, e vita excessit, cuius alter filius Theodebertus Austrasiam, alter Theodoricus pro sua parte Burgundiam est sortitus. *Nova isthaec quadripartita divisio, quae post decessum Clotharii I. evenit, monumentis mandata est a Paulo Varnefridi lib. II. c. 10. de gestis Langobardorum, ubi Aripertum scribit, quem Franci Charibertum; Guntramnum quoque hi Chunttramnum, alii Guntegrammum signant. Hic vero cum Chramno, Clotharii filio, qui nimia patris indignatione miserabiliter periit, confundi non debet. Lucem Paulo Diacono afferunt Episcopus Lausannensis, P. C. Basilii anno XX. ind. IX. in primis Antistes Tironicus lib. IV. cap. 22. hist. Franc. Fredegarius hist. epit. cap. LV. His addi possunt fragmenta ex vita S. Medardi, & S. Columbanii, nec non Venantius Fortunatus*

X
natus carm. histor. lib. VII. Recentiores plerique, inter
hos Busfierius, non accurate in exponendis horum tem-
porum rebus versantur. Hunnorum adventus, qui
in aetatem Sigeberti incidit, bis factus memoratur; al-
ter Sigeberto, fuso fugatoque hoste faustus, alter, cum
viribus collectis redirent, non ex animi sententia fuit.
Non enim tunc armis pulsi, sed donis placati discesse-
runt, ut est apud Gregorium Turon. lib. IV cap. 23. & 29.
Non hic omiserim Childebertum ritu Christiano emen-
dasse Bojorum leges, cujus rei initium fecit ante eum
Theodoricus Franciae Austrasicae Rex, ex eoque insti-
tuto laudem collegit. V. prologus legis Bajuvariorum
apud Frid. Lindenbrogium in codice legum antiquarum.
Divisio inter duos Childeberti filios consignata est ab
Aimoino lib. III. cap. 84. hist. Francor. Eodem spectat
Tritheimius in compendio annalium Franc. non sper-
nendae vir in austriae, sed in supputatione temporum
sibi non constat.

XI. Theodobertus II. initium regni tranqui-
lum habuit, sed fratre Theodorico, ad arma prompto
nimis & strenuo, invitante, castraque jungente, bello
implicatus, movit adversus patruelem Clotharium.
II. ei que victo duras condiciones tulit, & insigni re-
gionum parte, quae victoribus obtigit, multato,
duodecim pagos inter Isaram ac Sigonam, spatio ad
Oceanum porrecto, sitos tantum possidendos reliquit.
Gesta haec sunt anno post C. N. sexcentesimo, inci-
citante

tante avia Brunehilde, quae regno Austrasiae pulsa,
in Theodorici regia versabatur. Neque diuturna
ea pax, nec sincera fuit, quum Clotharius II. gravio-
ris damni memor, partem superiori pactione cessam
Theodorico & traditam invaderet, ac devastaret.
Qua injuria hic commotus, comparavit quam potu-
it maxime copias, contractisque auxiliis, hosti ob-
viam profectus, Meroveum Clotharii II. filium, in-
structa acie pugnantes cepit, multos, & inter hos
Landericum, in fugam egit, reliquos, cum evadere non
possent, delevit. Victor nihil cunctandum ratus, exerci-
tum usque Parisios duxit, urbemque ingressus, est; cui
hactenus amico & socio, frater ob nimiam potentiae
accessionem, diffusus, neque inani suspitione ductus,
pace cum Clothario inita, foederi fraterno nuntium
remisit. Hoc principium offensae haud temere exi-
stimaverit, qui rerum illa aetate gestarum annales
non cursim leviterque inspexit. Odium hoc indi-
gnatione sua fovit Brunehildis, quam ex urbe & aula
Metensi ejectam suscepit alter ejus nepos Theodori-
cus, quem subinde instigavit ad petendum armis ne-
potem alterum, & pridem sibi invisum, objectoq; na-
tali vicio, in odium, conflato etiam belli periculo,
adduxit. Obsecutus monenti Theodoricus, expedit
copias, jamq; ad praelium cum fratre committendum
paratus, hortatu Optimatum arma posuit, & caeso,
qui nihil moderatum suaserat, Protadio, metu con-
fusus

Xl

fusus meliori consilio cessit. Demum ingravescen-
ti malo cumulum attulit novissima inter fratres
contentio de Alsatia, quam pater eorum a regno Au-
strasiae sejunctam, cum tribus aliis tractibus Theo-
dorico, Burgundionum Regi, assignavit. Hoc cum
acerbe ferret Theodobertus, & de jure ac dignitate
sua detractum putaret, non temperavit sibi, quin
tractus vel ut ad se pertinentes reposceret, armis-
que vindicaret. Quamobrem Theodoricus, inclinato
ad pacem animo, conditiones cedendorum Comita-
tuum accepit & praestitit, cum aestimata suorum
paucitate, magno fratris exercitui resistere non pos-
set. Quibus rebus, praeter Alsatiam, regno Austra-
siae denuo conjunctam, tres finitimi tractus, Sugin-
tensis, Turenensis, & Campanensis in potestatem diti-
onemque Theodoberti anno, ut nostrae rationes
sunt, DCX. redierunt. Quae pax ut iniqua, tempo-
porum quippe necessitate expressa, Theodorico visa
est, sic ejus animum accendit magis ad repetendam
Alsatiam, recuperandosque tractus, quos pactione
Salissonensi abalienaverat, sed perinvitus. Unum
ergo ad tantae rei spem excitato restabat certamen,
quod fraternas discordias alterutrius exitio finiret.
Sumtis enim utrinque armis, apud Tullum, & deinde
rursus apud Tulbiacum congressi, praelio, in quo Sum-
ma rerum vertebat, experiri coeperunt. Victus fu-
gatusque Theodobertus, se recepit ad Ubios, ubi ca-

B

ptus,

ptus, & victori deditus, rogatu Brunehildis sacros
Ordines, quod ei Columbanus praedixerat, profiteri
jussus, nec multo post odii explendi causa caesus, re-
gnum simul & vitam amisit. Duo ejus filii, Clothar-
ius & Meroveus, comprehensi, & morte mulctati
sunt, quorum patruus regnum Austrasiae armis sub-
actum non diu tenuit, & fratre sublato, Clotharium
oppugnaturus, ex alvi profluvio interiit, in ipsa Medi-
omatricorum regia, ubi tunc degebat. *Jonas Abbas
in Vita Columbani, post hunc Fredegarius Chron. cap.
XVI. Utroque recentior Chronographus Moissiacensis,
quem industriae Francisci Bosqueti debemus, in Mau-
ritio Imp. ann. III. Et post hunc quoque Aimoinus Chron.
lib. III. cap. 84. Theodobertus succedit patri Childeberto in
regno Austrasiae, quod Et regnum Theodorici dicitur a
primo Clodovei M. filio, quippe Austrasiam ex divisio-
ne nato, ut praeter superiores, quos adduxi scriptores,
confirmat Rorico Monachus in gest. Franc. lib. IV. fin.
Alter ejusdem Childeberti filius regnum Guntramni, ut
Aimoinus nominat, id est, Burgundiae, accepit, Et post
multas fortunae vicissitudines, superato atque inter-
fecto fratre, occupavit, sedemque Divoduri Medio-
matricorum fixit, Et ibi fatis concessit, ut tradit auctor
appendicis ad Marii Ep. Chronicon. Mores Theode-
rici cum dominatu conjunctos prodit Anonymus in vita
Betharii. Auctor incertus, qui compilavit gesta
Francorum, scribit, Theodericum scelere Brunehildis
vene-*

XII

veneno sublatum, cap. XXXIX. Quod scriptores aetate
 & auctoritate priores tacent, recentiores vero pleri-
 que tradunt potius, quam evincunt. De causa belli,
 inter fratres cum alterutrius clade ac interitu gesti,
 nihil addo, nisi quod in vita Columbani legitur, de re-
 gni finibus inter eos fuisse disceptatum, cap. XXVI.
 Mutua potentiae aemulatio, metusque ambitione mixtus,
 & factionis Salissonicae anno DC. conventae invidia,
 & exaggerata iniquitas, tractuumque ea.cessorum, &
 amissae inprimis Alsatiae acerba recordatio, tum
 pacis quoque cum Clothario II. initae odium, ac non
 obscura vindictae cupiditas, & conjungendi utriusque
 regni desiderium haud omnino reticere hic debent,
 quae fratres, fortuna viribusque dispares, in mutuam
 perniciem exitiumque armarunt.

XII. Postea Austrasii non recusantes susceperunt, re-
 gniq; insignibus decorarunt Sigebertum, natu majore-
 rem Theoderici II. filium, eumque anno DC XIII. apud
 Mosellanos & Mediomatricos in vacuo patris solio
 collocarunt. At repugnavit ei & restitit Clotharius
 II. animoque ad ultionem excitato, regnum cum
 vita eripuit, clademque & necem Merovei filii, suppli-
 cio de majore Theoderici filio vicissim sumpto, vin-
 dicavit. Ita vero Clotharius II. regnum Austrasiae a
 crudelitate orsus, totius Franciae Rex evasit, magnis-
 que viribus, nec minori auctoritate, sublata Theodo-
 rici II. propagine, solus regnavit. Sigebertus hujus

nomini II. Rex Austrasiae factus & inauguratus est, testibus auctor. appendicis ad Marium Aventicensem, & Iona in vita Columbani. Non ergo solum destinatus, sed etiam declaratus Rex est, quod Fredegarii causa observandum est, qui Iona recentior, de conatu & destinatione Brunechildis, Sigebertum in regno patris instituere (successorem) nitentis loquitur. Chron. cap. XXX. At hic nifus cum effectu intelligendus est, eodemque modo exponendus scriptor vitae Faronis, qui destinatum in regno successorem testatur c. XXXII. Ubi destinatio a declaratione non debet sejiungi, contra quam aliis placet, sequentibus auctorem, qui gesta Regum Francorum compilavit, cap. xxxix. A quo sequiores decepti, nihilo veriora scripserunt. Vi-ctus captusque est Sigebertus, ad Axonam scilicet in campis Catalaunicis Galliae Campanae. Quatuor filios Theodoricus II. moriens reliquit, inter quos Sigebertus II. Corbus & Meroveus clade accepta, vivi in potestatem Clotharii II. venerunt, nec multo post iussu victoris occisi sunt, servato duntaxat Meroveo (cujus ad sacrum fontem sponsor Clotharius fuit) dilapso autem Childeberto, qui celeriori equo vectus evasit. V. Fredegarius cap. XLII. ad eumque alii exigantur.

XIII. Eodem anno Clotharius II. Austrasiae Rex effectus est, quo Sigebertus II. adolescens, consumptis duntaxat paucis regni mensibus, regum propaginis suae ultimus, foede periit ac sublatuS, est, ab eoque tempo

XIII

tempore, auspicio novi Regis Clotharii, Rado praefectus Austrasiae impositus, solenni Francorum nomine *Major domus* appellari consuevit. Quae mutatio A. DCXIII. accidit, quando Austrasia ad reges Neustriae rediit, neque tamen cum regno hoc permixta, aut tali nexu conjuncta est, ut pristinum nomen amitteret, juraque & fines utriusque regni, contra morem exemplumque Franconum, confunderentur. At Clotharius, de quo dixi, rebus ex animi sententia gestis, bellisque compositis, *magni* nomen adeptus est, regnumque Austrasiae, sexdecim fere annis servatum, nihil contra molientibus Austrasiis, tenuit, ac recepto in administrationis Austrasiae partem natu majore filio, A. DCXXIX. e vita migravit, cujus in locum successit Dagobertus, qui vivo & volente patre, Austrasiam aliquot annis haecenus regendam susceperat; eo autem mortuo, subita & prospera expeditione, adjuvantibus Austrasiis, ad Burgundiones & Francos Neustrasicos contendit, & utrisque in fidem acceptis, meliori fortuna, quam jure, exclusit Charibertum fratrem. *Fredegarius Chron. cap. XLVII. auctor est, Dagobertum a patre Clothario II. hanc iniisse gratiam, ut de voluntate ejus Rex Austrasiae constitueretur, exceptis tractibus versus Arduennae saltum, & Vosagum montem sitis, quos retinuit Clotharius, & suae ditioni adiunxit. Sed postea Dagobertus, quam duxit uxorem Gomadrudem, detractas a pa-*

B 3

tre

*tre portiones reposcebat, qui procerum obtestatione vi-
ctus reddebat, praeter illud terrae spatium, quod con-
ventum utrinque, & citra Ligerim definitum erat. Hoc
enim idem ille scriptor confirmat. Prior autem pa-
ctio incidit in Ann. DCXXII. Posterior ad annum
DCXXV. pertinet. Consequens est, ut dicam, diversa
ratione supputandos esse regni Dagobertini annos, ita
ut prius Austrasici, quod sex annis Dagobertus tenuit,
deinde Neustrasici, quod Monarchiae nomine scriptores
Franci insigniunt, initium capiatur. Vid. fragmenta de
rebus Dagoberti ex vita S. Eligii, qui Dagoberto perfa-
miliaris fuit, deprompta. Non vero nulla ejus ratio
habenda est, quos rerum documenta, & fines, quamvis
saepe mutati, distinguunt evidenter ac secernunt. Mo-
narchia, quam Dagobertus, extincto patre, consecutus
traditur, spectat ad magnam utriusque regni, Austras-
iae pariter ac Neustrasiae, conjunctionem, & voce illa
eminentiam indicat, non autem propterea regnum Au-
strasiae excludit, abolet aut tollit.*

XIV. Dagobertus aliquot ante mortem annis,
saluti Franciae consulendum ratus, Sigebertum, im-
puberem adhuc filium, Austrasiae imposuit, patris-
que Clotharii exemplum secutus, utile hoc rebus suis
putavit fore. Idcirco additi vitae morumque recto-
res, quibus idoneam educandi rationem praescripsit,
accito, cui diffidebat, in Neustriam Pipino, qui titulo
majoris domus apud Austrasios curabat, sed de poten-
tia.

XIV

tia & ambitione suspectus. At prudenter moderatèque fecit Pipinus, neque ulla gloriæ cupiditate abreptus est, ut ab officio discederet, statumque regni, etiam Dagoberto mortuo, perturbaret. Dagobertus, hujus nominis primus, A. DC XXXVII. diem supremum obiit, cujus frater Charibertus, attributa Galliae Aquitanicae parte, & sede Tolosae constituta, appellatus est Rex Aquitaniae, quam tamen integram ditioni suae subjectam non habuit, ut est apud Fredegarium, locupletissimum hujus rei testem. Aribertus (qui & Charibertus, aliis quoque Haribertus) sedem Tolosanam elegens (verbum rudis seculi) regnat in parte provinciae Aquitanicae. Cap. LVII. Elegit quidem Charibertus hanc sedem, sed regionem, qua Tolosa continetur, & partem Aquitaniae, concessu Dagoberti, non cum libertate eligendi obtinuit, ea vero lege, ut omni jure in reliquam Franciam cederet, pactoque semper valituro confirmaret. Accepit conditiones, quas fratri impar, recusare non potuit Charibertus, subacta prius, quam e vita decessit, universa Vasconia, quae cum aliis tractibus, auspicio Dagoberti, ad regnum ditionemque Franciae Neustriacae reducta est, cum frater Charibertus, iam tertio regni anno decessisset, nec filium, cui Chilperico nomen fuit, diu superstitem reliquisset. Fredegar. cap. LXVII. Aimoinus lib. IV. cap. 23. Papi-
rius Massonus annal. lib. I. in Dagoberto, cui
sim-

simplicitatem, regno minime idoneam, objecit scrip-
tor vitae Sigeberti III. Ex quo sequitur, Chari-
bertum non fuisse Regem Franciae, siue Austrasica, siue Neustrica intelligatur. Hinc in Chroni-
cis, quibus series & successio Regum Francorum
traditur, omissus est, nominatim in Tiliانو, fra-
gmento Erchanberti, & aliis haud suspectis monu-
mentis. Nisi quod Chronicon Moissiacense ea
parte, qua mutilum est, divisionem innuere vide-
tur, ad ann. XLV. Clotarii. Sed hiatus ibi nihil
probat, & auctor hujus Chronici, qui post Mero-
vingos floruit, commoda interpretatione juvari, &
suppleri potest ex scriptoribus aevi prioris sigilla-
tim ex Fredegario, qui regnantibus Merovingis,
Sigeberto & Clodoveo junioribus, Chronicon con-
signavit, cujus additamentum stylis prodit, quod
est ab auctore multo recentiori. Quia vero Aquitania
est pars Franciae Neustrasicae, ipse Frede-
garius non dubitavit regionem Chariberto attri-
butam, nominare regnum Francorum, c. LXXVIII.
perinde ac si dicere voluisset, regnum Franciae
Aquitanae, siue Aquitaniae, ut diu post Frede-
garium scripsit Aimoinus, libro & capite, paulo
ante nominatis. Non vero nunc exquiro artes
regnandi, quibus circumventus est Charibertus,
neque excutio mores Dagoberti, quos vitiis mi-
xtos fuisse constat. Tantummodo hoc addo. multos
esse,

esse, qui hunc Dagobertum cum altero, ejus nepote, & Sigeberti filio, confundant: quod ne fiat, carendum, & tempestive admonendum reor. Hujus erroris comper-
tus est Jodocus Coccus, cuius extat liber, qui inscribi-
tur Dagobertus Rex, Argentinensis Episcopatus fun-
dator, edit. Molsheimii A. MDCXXIII. Equidem am-
bo Dagoberti, alter post alterum, de Austrasia, & am-
plissimis Austrasiae sacerdotiis Antistitumque sedibus,
speciatim de Argentoratensi bene meritus est, idque er-
randi causam dedit scriptoribus, coeteroquin diligentibus & doctis. Post Coccium accuratiori studio perqui-
sit & distinxit hos Reges Godefr. Henslenius, edita
de tribus Dagoberti diatriba, sed neque is omnes hi-
storiae hujus partes ita perscrutatus est, ut expectati-
oni nostrae per omnia satisfaceret, cum res actaque
Dagoberti I. & II. distincte magis explicateque redde-
re debuisset. Id quod merito etiam in eo desideravit
Cointius, Annal. Eccl. Franc. t. III. ad an. 637. Sed in
Cointio quoque licet observare turbatas interdum ra-
tiones temporum, & nimium corrigendi studium, quod
in Fredegarii Codice liquet, in quo emendando licen-
tius aliquando versatum animadverti, neque id nesci-
vit Petrus Franciscus Chiffletius, qui novissime in de-
finienda Dagoberti senioris aetate elaboravit, edito
libro, cui titulus est, Bedae & Fredegarii concordia,
qua continetur dissertatio de annis Dagoberti, A MDC
LXXXI. De Pipino, qui per ea tempora, quibus Clothar-

C

rius

rius & Dagobertus senior regnarunt, titulo Majoris domus, negotia regni administravit, legendus est per antiquus scriptor, sed Merovingorum aetate recentior, qui ad Pipini huius non-Regis abnepotem usque & Regem pervenit, apud Duchesnium t. I. p. 594. seq.

XV. Regnante Sigeberto III. Dagoberti I. filio, Austrasia (a Franciae Neustriacae limite) cis Rhenum, pacata fuit, sed fines ejus, trans Rhenum, incursionibus Thuringorum patuerunt, & turbati sunt, impulsore quodam gentis duce Radulfo, qui Vinetorum amicitia nixus, communi popularium consensu arma sumsit, & Sigebertum aggressus, acri certamine copias ejus dissipavit, sed is, cum per fortunam non posset aliter, incolumitatem abeundi pactus, redintegratis paulatim viribus, Thuringos inflexit ad obsequium, & retinuit provinciam, situ commodam ac fertilem, pristinisque Francorum legibus constitutam. Firmato jam regno, de successore cogitabat Sigebertus, & Grimoaldo majore praefecto negotiis adhibito, sapienter regni statum ordinabat. Aliqui tradunt, Childebertum, Grimoaldi filium, si ipse quidem, non relicto herede, decederet, eo in regno, confectis ad eam rem tabulis, succedere voluisse. Sed nato post filio Dagoberto, metu orbitatis solutum, istud decretum, quod ante fecerat, irritum & infectum reddidisse, nec propterea Grimoaldum a regni administratione submovisse, & cum moriturus esset, unicum quoque
filium

XVI
filium fidei ejus credidisse, quod nihil alienum vita &
munere superiori commisisset. At parum memor
beneficiorum Grimoaldus, fefellit spem Regis, eoque
mortuo, Dagobertum juniorem, contra quam pro-
miserat, sacris Ordinibus initiatum, dimisit in Scotiam,
ut procul regno esset, & a patria remotus, fortunam,
si adolesceret, moderatius ferret. Cujus facti indigni-
tate permotus Rex Neustriae Clodovaeus, Sigeberti
frater, injuriam patrueli factam ultus est, vafrumque
& perfidum Grimoaldum morte multavit, cum idere
publica existimaret, ut verus legitimusque heres in
pristino regiae dignitatis gradu collocaretur. Quod
usu evenit, dejecto, quem reus sceleris pater admove-
rat, Childeberto. *Hujus rei gratia legendus est post
Fredegarium, qui in Sigeberto III. historiam finit, Si-
gebertus scriptor, quem fuisse monachum, non est, cur
dubitem; plerumque, nec injuria, Gemblacensem vo-
cant, qui multa de Sigeberto rege tradidit, quae apud
alios frustra quaeramus. Omnino enim confirmat, Si-
gebertum non destitisse ab incepto recuperandae ejus pro-
vinciae, superbiamque domuisse hostium, & Thuringos,
impulsore Radulpho rebelles, in ditionem imperiumque
Franciae Austrasicae redeisse, vel, ut suis ipse verbis
tradit, sub jugo dominii sui victos & confusos refle-
xisse. Quod testimonium in tanta rerum caligine, scri-
ptorumque inopia haud praeterire debui, neque ab
Hadriano Valesio omissum est, quo conficiamus, receptam*

a Sigeberto fuisse Thuringiam; contra quam alii scribunt, Sigeberto mortis causam extitisse amissae Thuringiae dolorem. Hujus sententiae sunt P. Massonus, P. Berthault, neque rectius sentiunt, qui memorant, Sigebertum inter & Radulphum convenisse, ut illo in Austrasiam redituro, hic obsequio solutus esset, quod narrat Busfieres, & mendose Rodulphum scribit, lib. III. hist. Franc. Nec vero quis credat, passurum fuisse Clodoveum, Sigeberti fratrem, ut Radulphus cum injuria Francici nominis Thuringiam teneret, sui que juris princeps esset, causamque adeo fratris, cum genere sanguineque suo coniunctam negligeret, pro quo ante hac in regnum restituendo neque operam, neque laborem recusarat. Quin & hoc argumento in dubium voco narrationem Sigeberti scriptoris de adoptato Grimoaldi filio, quam ne credam, multa prohibent; illud maxime, quod Sigebertus Rex nullum jus adoptandi habuit, cum, fratre superstite, id facere non posset, utcunque etiam vellet, quippe in regno ejusmodi, in quo generis sanguinisque dignitatem versari sciret. Tum vero Sigeberti Regis aetas nondum effoeta, sed integra erat & florens; ut nihil causae esset, cur adoptandi consilio desiderioque duceretur. Reperiuntur tamen haud pauci, in primis recentiores, atque inter hos novissime Pradius, qui adoptionem hanc tuetur. Ambitio equevidem Grimoaldi non obscura erat, quando suae sortis oblitus, Dagobertum, verum ac legitimum heredem, patre mortuo, de regno detrusum

sum, in Scotiam (quo nomine sequiores Hiberniam appellant) relegavit. Legendi hic & componendi sunt scriptores vitarum S. Remacli, S. Boniti, & ipsius etiam Sigeberti III. Regis.

XVI. Regnum Austrasiae, sublato Grimoaldo, non ad Dagobertum, cui praereptum fuerat, rediit, sed Clodovaeo II. Neustriae Burgundiaeque Regi, relicto in Hibernia patruele, cessit. Quo id anno acciderit, dissident plerique scriptores & variant, sed rationibus a Sigeberto confectis congruit annus Ch. DC LVIII, quanquam alii malunt DC LXII. Mea tamen sententia propius vero accedunt, qui argumentis rerum & temporum indicant annum DC LIV. eumque renovare hujus vicissitudinis memoriam putant. Illud pariter impeditum est, utrum Clodovaeus, qui Grimoaldum cum filio evertit, in regno successerit, an filium ibi regem constituerit; quod faciam, ut intelligatur, eorumque testimonio, quorum apud me auctoritas valet, comprobetur. Etenim constat, & confirmare in expedito est, Clodovaeum II. multato Grimoaldo, extrusoque hujus filio Childeberto, Austrasiam stirpi suae repetitam, non reddidisse patrueli, quippe non reverso, nec revocato unquam aut restituto, sed retinuisse, quoad vixerit, regendamque suscepisse, non, ut plerique existimant, Childerico filio tradidisse. Post Clodovaeum, utriusque Franciae, Austrasicae & Neustricae regem, qui anno DC LV. mortem oppetiit,

C 3

Clotha-

Clotharius filiorum natu maximus, ejusque nominis
III. praeter occidentalem Franciam, junctamque ei
Burgundiam, solus aliquandiu tenuit Austrasiam, quae
deinde ejus assensu, et matris, quae tutelam gessit, ap-
probatione, delata est ad Childericum minorem fra-
trem, qui utriusque voluntate & iudicio, primum in
partem regendae Austrasiae ascitus est, tum Clothar-
io sine liberis mortuo, in universa Francia successit,
nec vero diu solus regnavit, vitamque & regnum, per-
fidia & scelere conjuratorum, non relicto herede,
amisit. *Expediendae hic sunt, quae difficultatem ha-
bent, aut pra se ferunt.* Sigebertus Gemblacensis,
auctor est, Childericum, viro & volente Clodovaeo pa-
tre, constitutum esse Austrasiae regem, in vita S. Theo-
dardi (mendose apud Trithemium Theobardi) quod
repetitur in Chron. ad an. 658. Cui assentiuntur non
pauci, nec spernendi scriptores, quibus addo Joannem
Tilium in commentar. rer. Gallicar. & prae omnibus no-
stra memoria nominandum Hadr. Valesium, lib. XXI. re-
rum Francicarum. Apud me in hac imprimis re cau-
sa, valet auctoritas scriptoris antiqui, & illorum tem-
porum, quibus haec gesta sunt, aequalis, qui in libro,
quem de vita S. Bathildis composuit, ab excessu Clodo-
vaei haec accidisse tradit, quem Surius edidit, Duche-
snius excerptit. Is aperte scribit, Clotharium, exempto
rebus humanis patre, suscepisse ilico Francorum regi-
men; Francorum, inquit, non solum Neustricorum, sed
etiam

etiam Austrasiorum. Horum deinceps sigillatim meminuit, qui annitente Bathilde, & suffragantibus regni primoribus, ex aliquot annorum intervallo fratri ipsius Childerico obdixerunt, ab eoque tempore hic regendi consors factus, & regis Austrasiae titulo appellatus, extincto autem Clothario, rex universae Franciae, constitutus est, etiam Burgundiae, quae regnante primae stirpis Francorum progenie, sigillatim Clotharii III. aetate, Franciae Neustriacae innexa est, ut confirmat Anonymus scriptor vitae S. Bathildis, quam per rerum temporumque imperitiam cum Bildechilde recentiores plerique confundunt. Veteres tamen auctores Franci interdum haec nomina permiscunt, non tam suo, quam librorum vitio, quod ex vita S. VVandregefilii cap. 14. & 21. constat. Illud etiam auctoritate confirmandum est, quod scripsi, Dagobertum, Sigeberti F. non rediisse in Austrasiam, nec recuperasse regnum. Quo argumento dicitur ejus exilium irrevocabile, ab Anonymo vitae S. Boniti scriptore. Veruntamen non dubito, quin mortui cadaver relatum sit in Franciam; facit enim pro me scriptor antiquus, & expresse commemorat, in basilica Rotomagensi conditum fuisse Dagobertum, cap. 32. in vita Eligii. Erat enim illa in urbe praesul, & gnarus rerum urbis, cujus sacra moderatus est, in primisque ejus basilicae, in qua summa dignitate fungebatur. Non ergo, neque vivus, neque mortuus, Austrasiae redditus, sed in Neustriam relatus,

latus. & Rotomagi sepultus est, in primario D. Petri templo, quod in magna celebritate est, cum ob alia funera illustria, tum ob antiquitatem & Gothicam structuram.

XVII. Childericus II. anno regni Austrasiani quartodecimo, Neustrasiani quarto ineunte. cum venationi operam daret, misere periit, quem in utroque regno A. C. DCLXXIII. secutus est frater natus minimus Theodericus, huius nominis III. qui antea regnum Neustriae affectaverat, ad ejusque causam Ebroinus se adjunxerat, sed a Proceribus Franciae desertus Rex & destitutus, atque in sacri ordinis sodalitatem adscriptus est, ut praeccluso ad successionem aditu, omnes curas ad pietatis studium conferret. Atversa aliquanto post fortuna, & restitutus in libertatem Theodericus, non modo recepit Neustriam, sed omnem Franciam, quam antea ne speraverat quidem, cum ditione sua conjunxit. Nemo enim post Childerici, & uxoris ejus gravidae caedem, e stirpe regia restabat, qui regeret Francos; quanquam regendi prudentia Childerico defuit, & majorum virtus in eo ac successibus defecit, ut moribus atque institutis dissimilimi, nihil praeter originem & nomen retinerent. Ita autem regni conversio maximam Franciae perniciem attulit, & praefectorum libidini interdum reges ipsos exposuit, rerumque summam tandem ad alios traduxit, quamquam id serius, & sequenti aevo accidit, cum nullo morbos

XIX
morbos sanante remedio uterentur. Non enim id de omnibus Merovingis pronunciandum est, quod aliqui faciunt, nullo discriminere regum rerumque intervalla separantes, etiam veteres plerique, & Carolingorum aequales, rumore potius, quam monumentorum fide. Nisi illud ignaviae affine dici oportet, quod immatura, aut brevis regum aetas, velut crebrioris interregni causa, incrementis regni obfuisse videatur. Illud certo constat, Clodovaeum III. Theodoricum III. filium, & in regno successorem, firma pace, nec diviso Franciae patrimonio, regnasse, & praefecti auctoritate, qua Pipinus Ansegisi F. fungebatur, adiutum fuisse & admonitum, ut ad praecidendam diffidii materiam, utrique Franciae solus praeesset. Quo tempore praefectorum dignitas potentia atque opibus valuit, novoque nec usitato hactenus, titulo aucta & insignita, altiusque evecta est, adeo ut praefecturae munus, quod Pipinus gessit, per omnem Franciam pateret. Causa honoris atque instrumentum erat victoria, quam ad Textricium retulit, caesoque Berthario, aemulum oppressit, principisque nomen & titulum consecutus est, quod tradunt scriptores antiqui, odio & studio vacui, ac ideo non suspecti. *Ipsē confirmat auctor vitae Ansberti, Rotomagi antistitis, quem sibi repugnantem, & regnandi rationibus contraria suadentem, in exilium egit, is vero auctor eum Principis nomine appellavit, utique non alium intelligens, quam*

D

prin-

principem Francorum, in gerendis palatii regnique
Franciae negotiis primarium, & a rege proximum ad-
ministratorem, ut haud obscure indicavit auctor vi-
tae S. Boniti. Consentiunt scriptores alii, & princi-
pem nominant, inter quos extat, qui composuit vitam
S. Ursuarii. Multi, praesertim his recentiores prin-
cipem Francorum pleniori elogio vocant. Quod ta-
men ita capiendum est, ut, salvo regum jure, ista haec
administratio intelligatur, & nihilominus Pipino Her-
stallio, inter ceteros & priores palatii praefectos ac
proceres, qui principes quoque appellati sunt, praeci-
puum aliquid relinquatur. Idcirco in vita Ansberti
praefectoria administratio dicitur, quam etsi quidam
nimis amplificant, & in arbitratu Pipini positam fu-
isse affirmant, tamen haud omittunt jus regis, neque
huius consensum defuisse, principatumque sub regibus
tenuisse, sine assentandi vitio confitentur. Quod aperte
satis tradunt scriptor vitae Boniti, & vetus, sed i-
gnoti nominis auctor libelli, de majoribus domus re-
giae, quem P. Pithoeus edidit, Duchesnius ex anti-
quissimo codice restituit ac emendavit. Alios praetereo;
quanquam in publicis Francia tabulis, Regum proce-
rumq; palatii titulos posteritatis causa servantibus, non
legisse memini, Pipinum unquam hunc talem sumxisse ti-
tulum, aut a Regibus, sub quibus utriusq; Francia praefec-
turam gessit, hoc titulo fuisse cognominatum. Elogio
quidem ornatur illustris & incluci, quo & reges usos
esse,

esse, constat, annos tamen praefecturae non retulisse
in commentarios publicos, nec more regum, pro qui-
bus administrabat, dinumerasse, palam est, nec pro-
batione mea eget. Erant vero alii tituli, regnanti-
bus proprii, quibus a conditione praefectorum distin-
guebantur.

XIIX. Clodovaeus III. exiguo tempore, & ob-
scuro nomine regnavit, quem prolis expertem se-
cutus est frater Childebertus III. rebus gestis clarior,
neque animi vitio, nec breviori aetate impediabatur.
Nam haud idem utriusque spatium fuit; duobus e-
nim annis Clodovaeus, decem septem Childebertus
regnum tenuit, & Pipini Herstallii ductu Aleman-
nos, qui Suevi nominantur, oppugnavit. Horum
dux Vilarius, velut suis deinde legibus victurus,
regnoque Austrasiae se & gentem subtracturus, ve-
nienti processit obviam, collatisque signis, cum eo
conflixit, victusque reparavit vires, regresso postea
in Franciam Pipino, quam Rex morbo implicitus
obiit, sub cuius extremum vitae regnique tempus,
bello contra Svevos, eorumque ducem gesto prae-
fuit Valericus. *Aleman nos dixi, non ut Francos Moe-
no finitimos, Alsaticosq. comprehendam, qui omnes
quidem uno Austrasiae regno, sed non uno ducatu con-
tinebantur. Vicini erant, sed suis discreti finibus,
nec belli societate coniuncti, cum Alemanni, id est,
Suevi proprie dicti, Francorum armis peterentur, Al-*

satis autem & Franci ad Moenum porrecti quiesce-
rent, ac in fide perseverarent. Quod scriptores an-
nalia consentientes tradunt ad A. DCCIX. DCCX.
& DCCXI. Sed qua fortuna secunda, an adversa
Franci pugnarent, non commemorant, quod Nazari-
anos, Tilianos, Petavianos, inspicienti constabit, quan-
quam & inter eos alii aliis parcius hoc attingunt. So-
lus auctor annalium Metensium copiosior est, nec in-
festatos tantum & superatos, sed etiam triumphatos
a Pipino Suevos (multi Svaros, aliqui Svabos vocit-
ant) magna scribendi fiducia prodit, sed unde acce-
perit, incertum est, & nemini haecenus exploratum.

XIX. Haec auspicio Childeberti III. gesta sunt,
quem eodem, quo obiit, anno insecutus est Dago-
bertus filius, huius nominis III. qui praeter alia, quae
domi ab eo perfecta sunt, multa in pios coetus be-
neficia contulit, nec belli Svevici curam cogitatio-
nemque abiecit. Nam Vilarius armis subigendus
restabat, adversus quem comparavit exercitum,
haud peiori, quam patet, fortuna, nec dispari even-
tu, vastato quippe hostis agro, Svevorumque po-
pulo in ditionem *Franco-Austrasicam* redacto. An-
nales Francorum ex pervetustis Al. Petavii, Tiliique
codicibus deprompti, expeditionem contra Svevos
susceptam confirmant; annales vero Metenses plus
aliquid significant, ducemque expeditionis defini-
unt, atque amplius prosperum belli exitum tradunt,
ut

XXI

ut facile intelligi possit, Sveviam late vastatam, Francorumque orientalium regno conjunctam, usque ad Lanfridi, Svevorum ducis, tempora quieville. Ad A. DCCXII. Quibus rebus Danubii aditus patuit, apertique ulterioris Germaniae fines, attulerunt novum vicinis periculum, & Boioaros, ut communem postea subirent fortunam, admonuerunt, eosque integros haecenus & intactos, nudarunt quasi & objecerunt Francis ex propinquo invadendos. Verum aliquot post annis, Pipino seniore jam mortuo, Francis Neustrii Austrasique aemulatione commissi, vires ipsi suas confecerunt, quoad Carolus, Pipini ex Alpaide filius, e custodia, qua eum detinebat privigna Plectrudis, dilapsus, Neustrios in ordinem redegit, represso, qui obsistebat, Ragenfredo. Sub hoc tempus decessit Dagobertus, rebus nondum in Francia compositis, relictoque in his turbis filio Theoderico, cui adhuc impuberi, A. DCCXV. regnum, a Francis praereptum, atque ad agnatum ejus Daniele, quem ab ordine sacro arcellebant proceres, est delatum. Hic, regno Francorum suscepto, appellatus est Chilpericus, idem Chilperici II. filius, qui in serie regum huius nominis tertius numeratur. Ab initio statim Carolo, res in Austrasia novanti restitit, oppressurus etiam, si conatui par usus armorum fuisset, & aetati maturae, quae in Theoderico desiderata est, fortuna respondisset. Sed

D 3

rex

rex aliquot praeliis victus, imprimisque clade Sves-
fionensi fractus, vix colligere vires potuit, parumq;
abfuit, quin, deleto exercitu, simul periret Ra-
genfredus. Ad clades autem, quas accepit Chilpe-
ricus, accessit ista calamitas, quod, annitente Ca-
rolo, Clotharius IV. contra eum electus est, qui
Theoderico III. prognatus, nulla re memorabili ge-
sta, obiit, cum ab eo tempore, quo Carolus illum
minuendae invidiae causa extulit, annus, & septem
fere menses effluxissent. Nec vero Chilpericus III.
in Frisiis, quorum rex tunc Radbodus aetate affe-
cta erat, neque in Saxonibus Visurgi finitimis, quos
praeveniebat Carolus, praesidium, quo res lapsas
restitueret, invenit. Eudo quoque Dux Aquitaniae,
sic attritus erat proxima clade ac debilitatus, ut unus
ipse labentem Chilperici potentiam sustinere non
posset. Cum in hoc discrimine rex esset, perturba-
tus, & quomodo hosti resisteret, incertus, in Aquি-
tanium se contulit, quem Eudo, regia fere potesta-
te Dux, retinere non ausus, data ante & accepta
fide, cum donis dimisit ad Carolum, a quo bene ac-
ceptus, atque in regnum restitutus, non multo post
vivere desuit, ineunte sexto regni anno. *Anonymus,*
& aequalis horum temporum scriptor, qui Gesta Re-
gum Francorum composuit, cap. LIII. Huius enim ma-
gna auctoritas est, & merito aliis praefertur. Pro-
ximus ab eo est conditor Chronici, iussu Childebrandi
Comitis

Comitis scripti, quod Fredegarii appendicem constituit, cap. CVII. Post utrumque annales, quos monachus, cuius non extat nomen, in fano S. Arnulphi apud Metenses exaravit, addidit tamen Carolingis. Neustria tunc Regem fere precarium habuit Chilpericum, Aquitania ab ea tantum non seiuncta, cuius Dux regia propemodum potestate utebatur. Austrasia Regum Neustriarum leges mandataque spernebat, praefecti non Regum arbitrio, sed suo procerumque suae gentis suffragio, quae fieri vellent, instituebant, ac disponebant, regiones insuper Austrasiae regno coniunctae sensim deficiebant, aut labantes ad defectionem spectabant, finitimae bellum movebant, Austrasiosque lacebant, Saxones enim Cattuarios invadebant, Frisii haud quietiores erant, vicinosque vexabant, tum Sveri insurgabant, & omnia armis tumultibusque miscebantur.

XX. Levatus post solitudine Carolus, Theodericum IV. Dagoberti III. filium, ab aditu & usu reipublicae submotum, & sacrae sodalitati, quae Calae erat in vetere agri Parisiensis fano, traditum & mancipatum, volentibus Francis, educatum inde ac regno impositum, consilio & auctoritate sua iuvit, cuius alioquin rationes, seu pace, seu bello quid gerendum esset, post tot tamque insignes partas victorias plurimum valebant. Utri autem Franci, Neustrii, an Austrii regem hunc constituerint, dubitari potest, & quaeri, cum prisci annalium scriptores, non

non distinguant hic Francos & definiant, generatim
eos nominasse contenti. Alteri eorum afflicti, &
fortuna miseri, alteri potentia aucti, iamque ad so-
cietatem pristinam & concordiam revocati, haud
videntur potuisse negligi; quanquam Neustrii victi
antea potius, quam domiti, ad salutem dignitatem-
que suam excitati, regem hunc, sed haudquaquam
soli, designarunt, non repugnante Carolo, qui satis
habuit, dignitatem a Rege proximam, in qua regi-
am quoque potestatem exercuit, obtinuisse. Fra-
gmentum Erchanberti in hanc sententiam exponi
debet, in cuius extremo legitur, *Francos in regem*
sibi statuisse Theodericum filium Dagoberti iunioris.
Francorum nomine intelligi Neustrios, in quorum
dicatione erat Calense fanum, ex quo ad capessendum
utriusque Franciae regnum accitus Theodericus est,
non abnuo temere, neque inficiari audeo, dummo-
do non plane nulla Austrasiorum ratio habeatur,
quorum nomine adfuit, operamque contulit Caro-
lus, quippe non passurus, ut tam indigne secum a-
gerent Neustrii, praesertim in communi consocia-
toque regno, in quo sopitis tandem turbis, omnes
unum atque idem sentire oporteret. Haud aliter
iudicavit Marianus Fuldae monachus, & scripsit,
Francos cum Carolo, filium Dagoberti iunioris regem
super se statuisse, an. 720. Exinde liquet, falli Godefr.
Henschenium, qui secus existimat, & prorsus negat,
Theo-

Theodericum IV. quem mendose II. nominant, Dagoberti III. fuisse filium, vel solius Erchanbertini fragmenti auctoritate convincendus. Idem enim est ibi Dagobertus iunior, qui alias Dagobertus III. & Dagoberti magni atnepos celebratur. Theodericus vulgo dicitur Cala, a loco religionibus consecrato, in quo, regnante Chilperico III. altus educatusque est; rectius tamen, si hoc prioris vitae genus respiciendum est, Calensis vocatur, quando constat, eos, a quibus Cala scribitur, errore, quem mendosa lectio peperit, fuisse deceptos. Nam in antiquis Francorum monumentis, & speciatim in Gestis Regum Francorum cap. LIII. fin. nomen hoc, Cala, est auferendi casu positum, quod in Erchanberti fragmento integre & emendate scriptum cernitur, idque haud difficulter colligi potest ex vocabulo adjecto, quippe quod ad locum refertur, non ad regem, Cala (id est, in Cala) monasterio nutritum, prout verba antiqui & anonymi scriptoris etiamnum leguntur. Extremo nota numeri mutanda, & cum Theoderico IV. (non II.) componenda est, quod series & successio regum Francorum eius nominis apprimè confirmat, & Catalogos vulgarium scriptorum, Riccioli, (cuius Chronologia sibi non constat, & erroribus inquinata est) Bertbaultii, & aliorum refellit.

XXI. Duo potissimum bella in Austrasia auspicio suo gessit, Svevicum & Frisicum; alterum, victo Landfrido, Svevorum duce, alterum, ducto

E

in

in Frisiam occidentalem exercitu, imperio ductuq;
Caroli confecit. Non quidem propter ignaviam,
aut infirmitatem animi, sed quia per aetatem manu
consilioque alieno indigebat, nec poterat defugere
auctoritatem praefecti, suis jam subnixi viribus, &
ultra magistratus dignitatem evecti, cui si negasset
quicquam, aut imprudenter repugnasset, potentia
ad perfidiam abuti potuisset: regnum certe barba-
ris, qui capta Hispania, Franciam invaserant, non
restitisset diu, iugumque subiisset. Theodericus
septimo decimo regni anno mortuus est, superstiti
filio Childerico III. vita & moribus dissimili, in quo
tandem antiqua & ampla Merovingorum familia
A. DCC LII. regnum Franciae virtute partum, &
servatum, amittit, totaque A. DCC. LIV. defecit, &
nullos adeo posteros reliquit. *Legendi hic annales
sunt, in quibus viget memoria rerum his temporibus
gestarum, sigillatim Nazariani, Petaviani, Tiliari,
Loeselian, Fuldenses, qui & Pitheoani, quod pri-
mus omnium P. Pitheus emisit, dicuntur, Metenses,
Gesta regum Francorum cum appendice, Chronica
Sandionysianum, Fontanellense, & fragmenta varia,
quae supersunt, a Duchesnio collecta, quorum alia
ex aliis illustranda, supplenda, & interdum corri-
genda, praesertim in nominibus & notis numerorum.
Illud demum ex dictis liquet, Boioariam, Sueviam,
Alsatiam, Franciam, recentiori vocabulo Franconi-
am,*

XXIV
am, Thuringiam, Hesiā, Frisiā Citeriorem, partes fuisse Austrasiae, aliquas autem nutasse, & rebus novis studuisse, sed ad obsequium rediisse, Saxoniam, neque omnem tamen, adhuc fuisse vectigalem, Pipinum denique Herstallium sedem regni Austrasici ex urbe Metensi Coloniā Ubiorum transtulisse, ibique domicilium principatus Franciae Orientalis constituisse, & opes thesaurosque suos, quos vindicavit Carolus filius, eo in loco tanquam in principalis patrimonii aulario, comparatis potentiae suae subsidiis, ad usum defensionemque publicam reposuisse, at in parte dignitatis metropolitanae Moguntiam, recuperato per Bonifacium postliminio iure, sub ultimo huius stirpis rege, Coloniae praelatam, omnium in utraque Germania, prima & secunda, cis-et transrhenana sacerdotiorum infulis Episcop. praedictorum caput evasisse.

CAP. II.

DE AUSTRASIA, EIUSQUE STATU
ET MUTATIONE SUB CAROLOVINGIS.

I.

Nunc, & deinceps, quae ad summam rerum Austrasicarum pertinent, ex antiquis & idoneis rerum auctoribus exponere institui, ut appareat, quando & quomodo Austrasia in Germanorum ditionem redacta fuerit, statumque superiorem & no-

E 2

men

men, novo & insigni vicissitudinis exemplo, iterum mutavit. Sub primis Carolovingorum regibus, Pipino, Carolo M. & Ludovico pio, pars fuit magni Francorum imperii per Germaniam Galliamque, id est, servato sequiorum temporum scribendi more, per utramque Franciam, & coniunctas utrique regiones constituti, sic tamen, ut neutra Francia, esset pars alterius, & utraque nihilominus amplo Carolovingici nominis regno contineretur.

II. Illud vero primus in familia sua divisit Carolus M. factoque testamento, tres filios heredes instituit, & suam cuique partem cis & ultra Alpes assignavit, Ludovico Aquitaniam, additis finitimis tractibus provinciisque aliis; Pipino Langobardiam, excluso Romanorum Imperio, quod extra regni Francici patrimonium erat: Carolo, reliquam Franciam & Burgundiam, atque insigniores Austrasiae regiones, exceptis tamen & detractis aliquot partibus, Ludovico & Pipino attributis. Quae Caroli M. *partitio in annum DCCC VI. incidit, atque a proceribus Franciae confirmata, postea vero, quam duo eius filii, Pipinus & Carolus mortui sunt, sublata, primumque a Petro Pitheco eruta ex tenebris atque edita, nec Baronio ignorata, & in annales relata, tum a Duchesno, Goldasto, & Cointio repetita est, cuius meminerunt Adelmus, & Egoismensis monachi, annales item Fuldenses, Metenses, Tiliani, & omni exceptione*

XXV
ptione maiores Bertiniani, quorum auctoritate veritatem huius monumenti confirmamus. Non multis post annis, in conventu Aquisgrani habito, Carolus M. superstitem unicum filium Ludovicum, ante tertiae regni partis heredem, in universo Franciae utriusque regno successorem constituit, & simul Imperatorem Romanorum declaravit, regnum Langobardiae, quod in patrimonio habuit, Bernardo nepoti reliquit. Confectae successionis rationes sunt, assentientibus Francis, A. DCCCXIII. ut graves idoneique testes sunt luculenti scriptores annalium Fuldensium, Metensium, Loiselianorum, qui in hoc anno desinunt, Bertinianorum, cum quibus jungatur haud minoris auctoritatis Chronicon Moissiacense, & Theganus, qui ab anno hoc, quo novissima partitio facta est, operis, quod de Ludovici pii gestis extat, initium duxit. His autem temporibus Francia non modo trans Rhenum, Visurgim & Albim, sed etiam trans Ligerim patuit, & longius etiam trans Pyrenaeos & Alpes prolata, ista Saracenis, haec Langobardis erepta, patrimonio Franciae potius, quam titulum auxit, excepto dumtaxat augusti Romanorum Imperatoris titulo, quem Franci ex illa stirpe imperantes, omnibus titulis merito praetulerunt, in eoque praecipuum dignitatis suae splendorem, & singularem eminentiam ultro agnoverunt, eaque de causa Imperatores augusti huius familiae, ipsum quoque Franciae titulum de industria

ubi ad, nisi non dicitur & 3 quod illi dicitur omi-

omiserunt, quo alioquin regna de integro acquisita, si Langobardicum aliquando excipias, completi voluerunt, quin & in uno atque altero capite divisionis regni, coniunctionisque provinciarum a Merovingorum institutis interdum recesserunt.

III. Magis perniciofa fuit, si reputo exitum, divisio Ludovici pii, qui cum patre imprudentior, tum eius exemplum secutus, infelicior exitit, propterea quod Caroli M. errorem fortuna correxit, extinctis Carolo iuniore & Pipino filiis, quos regina Hildegardis ei peperit, & Pipino altero, eoque seniore, quem ex Himiltrude suscepit, in sodalitatem sacram tradito, ut turbare desineret, vitamque a negotiis vacuam finiret. Sed aliter evenit, cum Ludovicus, Caroli Aug. filius, regnum divideret inter tres filios, ex priori coniuge Irmengarde natos, Lotharium, Pipinum & Ludovicum: quoniam primus Augusti nominis, Imperiique Romanorum particeps factus, alter Aquitaniae, tertius Baioariae rex constitutus, & creatus est in solenni Francorum conventu, quem eius rei causa anno DCCC XVII. indixit. Tantum vero abest, ut haec integri Franciae regni partitio fuerit, ut quoque iam constet, eam partientis Ludovici Augusti fuisse voluntatem, ut Aquitania tantummodo, & Boioaria, in partitionem illam, procerum assensu confirmatam, deducerentur. Reliquae enim cis & trans Rhenum sitae regiones partitione illa comprehensae non sunt, & ideo
exce-

exceptae, atque auctori partitionis reservatae. Tanto minus in partitione includitur augusta dignitas, quae titulo Imperatoris Romanorum soli Lothario attributa est, neque eo secius regnum Italiae ad Bernardum, Pipini R. Italiae filium, seorsim a ceteris regnis pervenit. *Chronicon Moissiacense, & annales Bertiniani ad b. A.* Quo pacto Lotharius desit esse Rex Boioariorum, quum pater, mutato consilio, regis Boioariae titulum ei demeret, & inita majoris aetatis ratione, Ro. Imperatorem renunciaret. Quae dignitas semper individua, & uni duntaxat filio assignata est, ad quam postero anno DCCC XIIIX. quo Bernardus Italiae rex in crimine turbati imperii deprehensus, & regni dignitate mulctatus est, ipsum illud Italiae Langobardicae regnum A. DCCCXX. accessit. Regino d. A. Posterior enim fuit divisio, qua Ludovicus natus minor rex Boioariae creatus est; cuius in priori, quae anno DCCCXIV. contigit, neque mentio facta, neque ob aetatem puerilem ratio habita fuit.

IV. Valuit autem recentior illa in Comitibus Aquisgranensibus facta partitiio, neque a Ludovico Aug. rescissa est, quando, Irmengarde mortua, Iuditham duxit, ex eaque suscepit Carolum, filium natu minimum, quem anno DCCC XXIX. regem Alemanniae, addita ad regnum eius Rhaetia, Burgundiaeque parte, in conventu apud Vangiones habito, constituit ac renunciavit. Testis praesto est illorum rem-

temporum probus atque integer *Teganus c. XXXIII.*
de gestis Ludovici Imp. Nihil ademuit aut detraxit fi-
liis ex Irmengarde natis, sed sua cuique regna su-
periori divisione, cum Aquisgrani esset, attributa &
confirmata, in pristino statu reliquit: Lothario au-
gusta dignitas cum regno Italiae, Pipino Aquitania,
Ludovico minori Boioaria, eo quo assignata erat iure,
nulla adempta parte, & adeo prorsus integra remansit.
Postea plures divisionum formulae confectae sunt, in
quibus, pro conditione rerum & temporum, mu-
tavit quaedam augustus pater; nihil tamen detraxit
Lothario, etiam turbanti, & seditionis reo: quam-
vis tunc nomen titulumque eius, ut alias solebat,
in tabulis publicis omitteret, haud dubie ob mani-
festum perfidiae crimen. Nam consociata quidem
erat cum Lothario augusta dignitas, sed ea lege, ut
nihil delibaret de auctoritate patris, qui, vivente
Carolo augusto, nihilo maiorem habuit potestatem,
quam pater imperans voluit, aut concessit. Haud secus
reliqui filii, quos diviso Franciae patrimonio, Ludovi-
cus Aug. constituit reges, Imperatori tenebantur, adeo
ut integrum fuerit, mulctare perduelles, & iure
quaesito privare, nisi facilitas ipsi nimia obfuisset.
Sed leniori remedio usus est Imperator, & filios of-
ficii sui oblitos, admonuit subinde & correxit, nec
tamen iure puniendi usus est, neque imperio, nec
regnis, quorum patris beneficio consortes erant, mul-

XXVII

multavit. Quo nomine scriptores quidam aequales
odium produnt, & in Ludovicum augustum iniqui
sunt, inprimis Agobardus, & Anonymus, quorum
alter apologiam, alter vitam VValae Abbatis compo-
suit, qui Lotharii partibus summopere studuerunt,
editis pro eius causa scriptis, multa acerbitate refer-
tis. A quibus separandi sunt, qui non malevoli, sed
in tradendis Lotharii rebus minus cauti, titulo Impe-
rii Ro. omnia cis Alpes Francorum regna Lothario
obvenisse affirmant, quod vel Nithardi causa prae-
terire non possum.

V. Primus inter filios bellum civile concitavit
Pipinus, instigantibus Francorum proceribus, qui
multorum regni malorum causam in Iuditham, Lu-
dovici aug. uxorem, conferebant. Pipino statim
se coniunxit Lotharius, imperandi cupidus, & Iudi-
thae, cui Augustus indulgebat, infensus, commo-
tisque procerum animis, in occasionem intentus,
& amplioris potentiae appetens, quam nova divi-
sione, qua Carolo Iudithae F. regnum obtigit, im-
minutam esse, graviter ferebat. Igitur regni pos-
sessione patrem privare statuit, sed repugnante Lu-
dovico iuniori, & reconciliato Pipino, deterritus
est Lotharius, fratribusque novo patris beneficio in-
vitatis, & accessione locupletatis, acquievit. Hinc
Lotharius res suas Italiae finibus circumscriptas, ha-
bere iussus, atque in Italiam, ubi patrimonium eius

F

con-

constitutum erat, dimissus, & rursus mansuetudine patris devinctus, rationi & legibus ad breve tempus paruit; Pipinus autem & Ludovicus consiliis a fratre disiuncti, patrique continuata seditione molesti, cum nova Imperatoris auctoritate partiti fieret, suapte culpa rei augendae occasionem amiserunt. Pater enim scelere filiorum offensus, nullam eorum in divisione illa rationem habuit, & Lothario Caroloque tranquillitatis causa impense favit. Quamvis mutato postea rerum consiliorumque statu, nihil ea ex divisione redundarit ad Lotharium, cum denuo obsequii in patrem oblitus, inquireret dignitatem, fidemque violaret. Idcirco in plerisque partitionum formulis, quae auspicio Ludovici aug. confectae sunt, ne Lotharii quidem nomen, nedum ei tributum ius reperiamus. Nec vero ipse Lotharius, patre ex imperii possessione dimotus, reconciliatisque sibi fratribus, aliter constituit, neque a priori divisione, quae Aquisgrani perfecta est, recessit, sed tripartitam repetiit, atque hoc non fallente argumento, alteram & quadripartitam, tribus abhinc annis Vormatiae a patre factam, quantum in ipso, & fratribus erat, obligato etiam iurandi religione populo, abrogavit. Quod vetus ac fide dignus scriptor, quo auctore standum est, verbis minus elegantibus, sed aperte significantibus illa ipsa aetate, qua haec gesta sunt, indicavit. *Post haec*

XXVIII
haec (quae cum Ludovico Imp. acta sunt) populo
(Francorum) iuramentis obstricto (firmatum iure-
iurando obsequium testato) imperium (laxeditum)
inter fratres (Pipinum & Ludovicum germanos)
terna sectione partitur (tripartito dividit) Lothari-
us scilicet, qui hic designatur. In vita Ludovici Pii,
cuius auctor ob caeli siderumque motus peritiam A-
stronomus nominatur. Quae conversio, ut ab eo tradi-
tur, conjuncta est cum anno DCCC XXXIII. quo Lo-
tharius, excluso, quem in custodia retinebat, Carolo,
& quarta portione privato, patris acta rescindebat,
nec plura, quam duo cis Alpes regna constituebat, aut
potius, ut antehac constituta erant, relinquebat; ter-
tium vero trans Alpes & Apenninum uno nomine,
diverso licet iure, complexus, Augusti Ro. Imperii
(proprie & eminenter dicti) titulo, & dignitatis prae-
rogativa, sine ulla tamen in fratres reges potestate,
retinebat. Lotharius eqvidem maioris potentiae ac-
cessiones, si daret se occasio, quaerebat, & potiundae
Francorum Monarchiae consilium occulte inibat, sed
quin proderet, fratrum metus prohibebat,

VI. Non diuturna fuit haec Imperatoris cala-
mitas, cum Pipinum & Ludovicum facti poenite-
ret, seu quod Lothario, ad maiorem potentiam ni-
tenti diffiderent, seu quod sensu pietatis patrem de-
nuo iusta veneratione prosequerentur. Igitur mis-
sis ad Lotharium nunciis, patrem liberari postulant,

& restitui in pristinam dignitatem. Haud difficilem se praeuit Lotharius, neque irritare duos, nec resistere coniunctis ausus, Ludovicum aug. non vult libertate uti, & ipse mox fugere coactus est, patre in fano S. Dionysii relicto, qui haud multo post, volentibus & cohortantibus amicis, Imperii insulas recepit. Quibus molestis atq; difficultatibus ex animi sententia superatis, animum ad curam reipublicae convertit, & in sequenti anno DCCCXXXV. conventu Theodonis villae acto, regnum Franciae inter tres filios, Pipinum, Ludovicum & Carolum, divisit, omisso Lothario, nec divisionis negotio, ut colligere est, repugnante, quippe qui, patre ad privatam fortunam redacto, & imperatoria regiaque dignitate per iniuriam multato, dividens, ipse sibi hanc legem volens prudensque dixit, augusti nominis dignitate, regnoq; transalpino, quod extra Franciam erat, contentus. *Nova divisionis formula in congressu conventuque Theodonis villano, confecta promulgataque est ab Ludovico aug. in pristinum locum restituto, & denuo in possessione Imperii confirmato, ut iam omnes intelligerent, iniuriam Imperatori esse factam, cum Antistites Franciae in Comitibus Compendii habitis eum declarassent imperio indignum, & crimina ei obiecta, in formulam redegerent, eodem anno, quo Agobardus in Ludovicum aug. acerbè scripsit, id est, A. DCCC XXXIII. quo haec gesta esse constat.*

Petrus

XXIX.

Petrus Pithoeus perduellionis carmen primus evulgavit, titulumque fecit: Exauctoratio Ludouici Pii. Inde repetiit doctus Pater Ignatianus, Iacobus Sirmondus Conciliorum Galliae t. II. Nec piguit purpuratum patrem Baronum referre in magnum opus Annalium ecclesiasticorum. Melchior Goldastus Constitutionibus Imperii addidit, sed titulo mutato inscripsit, Edictum de exauctoratione Domini Ludovici pii Imperatoris. tom. II. Constit. Nec male, & actis temporumque rationibus convenienter. Duchesnius ampliori titulo reddidit. Acta impiae ac nefandae exauctorationis Ludovici Pii Imp. In editione proxima Argentoratensi, cum, praeter alios scriptores Carolingicos, Theganus ederetur, ommissa est decreti perduellionis causam designantis formula, quae Pitboei exemplo, proxime a Thegano, haud inutiliter edi potuisset. Verum satis de conventu Compendiensi dictum est: nunc quod Theodonis villae actum fuerit, cognosci oportet. Eo in loco fuit palatium, ubi Comitum regni habita, & tria cisalpini patrimonii Francici regna, in suos quaeque fines descripta, a patre distributa, ac tribus filiis assignata sunt: regnum Aquitaniae Pipino obtigit, Boioariae ad Ludovicum pervenit, Alemanniae denique ad Carolum auspicio dividendi Augusti est delatum. Digna observata est haec divisio, cum quia perspicua est in designatione regionum & finium, tum quia integra extat, a Goldasto autem, quod fieri non debuit, praetermissa, cum

tamen neque imperfecta sit, neque in falsi suspicio-
 nem veniat, & se ipsa satis usu illius aevi, & dictio-
 nis forma, rerumque momentis tueatur. Omnino
 autem insigniores Austrasiae partes in ea expressae, &
 Ludovico attributae, atque adeo cum regno Boioa-
 riae tunc coniunctae sunt Toringia (Thuringia) a
 Moeno quondam ad Ocrum usque porrecta: Ribua-
 ria (Ripuariorum rectius, sive Riparia) a Rheno ad Ru-
 ram Mosamque pertinens: Atoaria (Hathuaria, sive
 Cattuaria) pars Orientalis Franciae, Saxonibus Vi-
 surgii finitimis proxima; Saxonia, cis ac trans Visur-
 gum sita, & cum utraque simul transalbina sive Hol-
 satia; Frisia, citerior & ulterior: Ardenna, quae
 Romanis scriptoribus Arduenna, saltus ille magnus,
 Mosellanos inter Condruosque patens: Asbania, quae
 alias Hasbania, inter Brabantiam & Arduennae sal-
 tum: Bragmentum, haud dubie est Brabantum, quod
 & Brachbantum, recentiori vocabulo Brabantia ap-
 pellatur: Franderes, ubi hodie Flandriae Comitatus:
 Menpiscum, pagus Mempiscus, sive Menapiorum regio
 cis Mosam: Medenenti seu Medenentense territorium,
 id est, tractus Melanthius, Flandriae adiacens: Amau,
 hoc est, Hainau, Latino Haincum, sive Hannoniae Comi-
 tatus: Austerban, quod exponi debet Austerbanti-
 um, sive Austrebantium, inter Hannoniam & Arte-
 siam: Aderten, Atrebatensis Comitatus, qui hodie
 Artesia nominatur: Tervunensis, tractus Tervannen-
 sis

xxx

sis in Morinis: Bolens, perinde ac si legi debeat, Bo-
lensis, pro quo scriptum est Boloniensis, sive Bononi-
ensis, ducto nomine a Bononia Morinorum, quae &
Gallica dicitur a sequioribus; ab antiquis Gesoriacum
appellatur. Qventovico, in casu nominandi Qventovi-
cus, ubi portus fuit quondam ad Qventam fl. quem alii
vocant Quantiam, unde sinus Quantianus nominatur.
Nec multum ab eo distant Stapulae, in tractu Gessoria-
censi sitae. Camalecensis, ex emendata scribendiratione
Cameracensis, ager in Gallia Belgica haud ignotus. Vir-
domadenis quo indicatur pagus Veromanduensis, sive,
ut hic scriptus videtur, Virdomadenis, cuius caput
hodie est Norviomagus Veromanduorum, vulgo Norvio-
rum, postquam ab Hunnis excisa est Augusta Vero-
manduorum. Diversus autem est pagus Virodunen-
sis, in quo est fanum S. Michaelis, cuius origo Pipini
& Caroli M. temporibus congruit, & insigni inter-
vallo Saxo-Billinganum, quod Luneburgi est, praece-
dere intelligitur, quod non animadvertit Aub. Mi-
raeus. Ceterum tertia regni pars, Alamannia, Ca-
rolo attributa, aliter Svevia appellatur, & quidem a
transrhenano Germaniae populo, antiquo & proprio
Suevorum nomine praedito, qui ex Cisbalthiana Ger-
mania, finitimisque locis migravit in Alamanniam,
& amplum Germaniae tractum insedit, partemque
Helvetiae inter Rhenum & Ursam fluvios occupavit.
Cum Alamannia, quae posthac & postliminio ad Au-
stra-

Austrasiam rediit, Burgundiam, at non integram, coniunxit, quae antehac, regnantibus Merouingis, ad Neustriam adiuncta erat, quod supra, ut recordor, admonui in loco. Adiecit insuper Provinciam, eamque proprie dictam, & a reliqua Gallia, etiam a Burgundia diuersam, quia utramque Tabulae diuisionis aperte distinguunt, sed omnino cum eo Allobrogum tractu, qui Delphinatus nominatur, conjunctam. Hoc non difficile probatu est, & vox adiecta ostendit, qua totam Provinciam Carolo assignauit diuisor Augustus. Quo pacto explicandus est Chronographus Bertinianus, qui Viennam, Delphinatum urbem, Provinciae adscripsit, in anal. ad A. 834. Prouinciae adiunxit totam Gotiam, Galliae Narbonensis partem, & regni Francogallici finibus circumscriptam, quae includit Septimaniam & Marcam Hispanicam, & utriusque ratione dicitur regnum Gothicum Francorum, ut a regno Gothico Hispanorum distinguatur. Erat autem illa tempestate limes inter Galliam & Hispaniam Rubricatus. De reliquis nulla difficultas est, quippe quae eiusmodi sunt, ut facile, & sine mea interpretatione intelligantur.

VII. Instaurata inter filios concordia, adhuc diffidebat Pipino, qui & crebrius & grauius patrem offenderat, pertinaciamque societate Lotharianae factionis testatam fecerat: neque extra suspicionem erat Ludovicus iunior, quanquam huic plus tribuisse visus est, quod haud obscure indicauit, cum regna filiorum in fines describeret, & Ludovicum Carolum-

XXVI
Carolusque regno Lotharii transalpino limitum-
cauia, nec sine civili ratione, coniungeret propius,
arctiusque devinciret. Carolus, annitente inprimis
matre, plurimum gratia valuit, ob eamque rem
fratribus invisus, sed redintegrata Lotharii, Fr. natu
maioris, amicitia confirmatus, & pluribus potentiae
praesidiis ornatus est, praesertim cum pater amplis-
simam Belgii partem ei daret. Quod negotium A.
quisgrani anno DCCCXXXVII. confectum est, re-
gnumque Caroli, detractis etiam ex regnis Pipini &
Ludovici portionibus, denuo ac indulgenter au-
ctum. Non refragati sunt patris voluntati Pipinus
& Ludovicus, quorum ille absens, legato misso, con-
sensum declaravit, iste praesens improbare noluit,
quod, si per ipsum stetisset, in tam frequenti Ord-
inum conventu, aliter, ut probavit exitus, fieri ma-
lisset. Mox admoniti antistites, procuresque ab Im-
peratore iussi, iureiurando astrinxerunt fidem, no-
voque regi paruerunt. *Annales Bertiniani* A.
DCCCXXXVII. quorum auctoritate corrigendi sunt re-
centiores, qui calculis non accurate subductis, novam
hanc & luculentam Caroli accessionem reiiciunt in a-
lium, & sequentem annum DCCCXXXVIII. Ean-
dem tradit confirmatq. praeclarus illorum temporum
scriptor Nithardus, eius auctor historiae, quam de dis-
sensionibus filiorum Ludovici pii conscripsit, ex qua hic
aliqua ab auctore vitae Ludovici pii consulto praeter-
missa suppleamus. *Histor. lib. I.* G VIII.

VIII. Ab eo tempore iterum commoti sunt Lotharius senior, & Ludovicus Boioariae Rex, ut qui tanta Caroli incrementa aegre ferrent, doloremque ea ex re conceptum amplius dissimulare non possent. Igitur finitis Aquisgrani comitiis, recusarunt venire Carisiacum, ubi Ludovicus eorum pater, alium regni conventum habuit, nec modo dandi servato, novam rursus Neustriae partem, inter Ligerim Seqvanamque fluvios ad Oceanum usque extentam, tribuit ac tradidit Carolo, tot tamque insignes provincias, superiori patris liberalitate, iam adepto. Adfuit Pipinus, & prae se tulit amorem erga Carolum, sed in animo eius exulcerato infixum erat odium, nec minor invidia excitabat cupiditatem ulciscendi. Qui postquam fato perfunctus est, resedit quidem hic impetus, sed excitis, quos avus neglexit, Pipini nepotibus, & Ludovico tam angusta sorte haudquaquam contento, minime tranquillitatis fructus regno constabat, quod Augusto pacis cupido per erat molestum. Cum enim regni commodis consulere vellet, inprimis ad amplificationem potentiae Lotharii Carolique spectabat, ut alter alteri, si opus esset, opportune subveniret, Lotharius quoque aetate & auctoritate maior, augustaeque dignitatis socius & particeps, natu minorem Carolum, quem de sacro fonte levasset, ope sua & amicitia tueretur. Idcirco, svadente Iuditha,

XXXII

dicha, regnum his filiis dispertiit, Ludovico, cui Boioariam reliquit, excluso, quae nova dissidiorum materia fuit. *Portiones utrique attributas, plene, sed minus interdum emendate editas, recensuit gravis & fide dignus, sed nominis ratione ignotus, annalium Bertinianorum conditor, in anno tamen, quem DCCCXXXIX. supputat, diversus ab aliis, qui A. DCCCXXXIIX. numerant, ut designatio annorum vitae Ludovici pii in Duchesniana editione ostendit. Hunc eundem annum servant annales Metenses, sed nimio brevitatis studio non explicate satis partitionem hanc tradunt. Eadem de causa Nithardus scripsit obscurius, cui auxilium in annalibus Bertinianis unicum, & plane sufficiens quaerendum.*

IX. Ita vero Ludovicus excidit spe augendi regni, & amisit regiones Franciae Germanicae opimas & nobiles, praecipue Sveviam, & Thuringiam, titulo ducatum insignes; Saxoniam quoque regni nomine, quod observari par est, in divisione Ludovici novissima appellatam: Comitatus item tractusque alios, opportunitate situs, & fertilitate soli praestantes. Quorum possessione cessit ad tempus, sed invitus & coactus; neque tamen iure suo cessit, neque unquam hoc animo fuit, ut eo cederet, quippe quod, patre vivo, constanter asseruit, & mortuo, armis defendit, ac eo usque persecutus est, quoad litem armatus vicit, & fratrem ambitiose repugnantem,

G 2

tem, patrisque superiori benevolentia ad moliendum
unius in omnes fratres imperium, vana iuris specie,
abutentem, & adeo seipsum quaesito per divisionem
patris jure, quod crimine perfidiae accidit, privan-
tem, certe eo retinendo indignum suomet vitio se
reddentem, bello defensionis causa suscepto (ad cujus
societatem frater natu minor, indignitate postula-
torum Lotharii permotus accessit) ad iustam & ae-
quam pactionem redegit, ut Lotharius data restitu-
endi fide, acquiesceret, & salvo Ludovici Germani-
ci jure, & salvis ejus regni partibus accessionibusque,
sua sibi regna haberet, & tot tantisque superioribus
malis, atque intestinis dissidiis, velut benigni sideris
radio ac lumine finis tandem imponeretur. *Non
hic repetam ex Agobardo, atque ex vita Valae abba-
tis, in quibus studia partium, & coniurationis Lo-
tharianaе patrociniū manifeste deprehendimus;
quaedam tamen in iis, quamlibet speciosa & grata
in vulgus, tamen ad probandum haud idonea, & quan-
do ad statum veteris Francorum regni accommodan-
tur, inepta sane & aliena. Non enim huic instituto
convenit; quod Lothariani ingeminabant, regna non
esse dividenda, ut ab interitu serventur, cuius rei gra-
tia testimonio e sacris deprompto, sed perperam ad
hanc causam adhibito utebantur, eoque Lotharii sen-
tentiam defendebant, obliti iuris consuetudinisque
Francorum, notae passim ac testatae, pluribusque re-*
gum

gum dividendium exemplis comprobatae. Eodem igitur loco habendae sunt narrationes de titulo donationis & testamenti, a Lotbarianis vulgatae, & Lotbarii fratribus obverti solitae, quippe quae Ludovici aug. actis, & divisionum tabulis directo adversantur. Sed non est, cur quisquam de reliquorum fratrum iure dubitet, etiamsi ex capite prudentiae aliter facere decuisset Augustos imperantes.

X. Multae profecto & graves caulae erant, quamobrem Ludovicus conditionem suam meliorem esse, cuperet, divisionemque annis DCCC XXXVII. & DCCCXXXVIII. proxime factam, iniquitatis postularer, culpam vero eius rei omnem in novercam, & pravos consultores, adversariosque suos, conferret. Indulgebat his pater, non sine offensa Francorum Orientalium, quos superiori divisione regno Ludovici coniunxerat, nunc ab eo rursus, & magna parte repugnantes disiungebat, eo praesertim in regno, in quo procerum consensus haud negligi debuit, nisi de publico omnium dissensu certo satis sufficienterque constaret. Et in promptu erat recens fratris Lotbarii exemplum, qui Ludovico patri, etiam fide iureiurando interpolita, reconciliatus, novum Caroli incrementum aegerrime tulit, quod neque dignitatis suae, neque ordinis nascendi ratio haberetur, & natu minimò, atque ex altera coniuge suscepto, praeter & contra domus Carolinae consuetudinem

nem tanta augendi praerogativa tribueretur. Sed Lothario novissima Ludovici aug. divisione placato, Ludovicus Germanicus in iure suo per superiorem divisionem quaesito, haud minori contentione, & pari constantia persistebat, perductis ad sententiam suam Francis Orientalibus, quorum in ea causa, haud leve momentum erat. Locupletes horum, quae dixi, testes sunt ipsimet scriptores Franci, inter quos Astronomus scripsit. *Ludovicus* (Germanicus) *audiens huiusmodi patris erga fratres suos* (Lotharium novissima apud Vangiones partitione reconciliatum, & Carolum) *voluntatem, & regni inter eos* (excepta Boioaria) *divisionem, non tulit. Ideoque quicquid regni trans Rhenum fuit, sibi adscribendum putavit, & vindicandum statuit. An. 836. ex notatione Chronologica Duchesnii.* Eandem in sententiam sequentia tradidit auctor annalium Metensium. *Ludovicus filius Imperatoris partem regni trans Rhenum quasi iure sibi debitam affectans, per Alamanniam facto itinere venit ad Franconofurd: multorum ad se Orientalium Francorum animis prudenti consilio ad se conversis. An. 839.* Annales Bertiniani confirmant, *Ludovicum usque ad Rhenum regni gubernaculum usurpare, hoc est, regnare in Francia Orientali, quam sibi vindicabat, nec movebatur postrema divisione, quam a patre uxori & malevolis consultoribus obnoxio, statu regni factionibus proce-*
rum

rum distracto, paucis ex senatu primorum suggerentibus, partiumque studio laborantibus, ac minimum suspectis, confectam esse constat, atque his adeo indiciis facile ostenditur iniquitas novissimae huius & perniciosissimae partitionis. Innuunt hanc atque indicant annales Metenses. *Præfatus Imperator* (Ludovicus pius, quo cognomine post mortem ornatus est) *Noviomagi conventu generali habito, consiliis quorundam ex primoribus Francorum adquiescens, pacti conscriptione Ludovico filio suo regnum Orientalium Francorum, quod prius cum favore eius tenuit, interdixit. Ille autem intelligens ex invidia Consiliantium talem prodisse sententiam, edicto posthabito, III. Kal. Decembris ad Franconofurd venit. A. 837.* Nec vero tantum Ludovicus palam contradixit, & de iniquitate questus est, sed etiam ipsius patruales, & Augusti Imp. nepotes Pipinus & Carolus, Pipini Aquitaniae regis filii, immerito praeteriti, causam querendi habuerunt, atque inter hos natu maior, auctoritate avi non impeditus est, quin regni Aquitaniae heredem se diceret, & iure suo, divisione Vormatiensi non deterritus, uteretur. Sumptis enim armis, Pipinus repressit Carolum, & praelio commisso, actisque in fugam Caroli copiis, bellum fortiter confecit, & composita pactione controversia, Aquitaniam integram, lege tamen beneficiaria retinuit, Carolus, ut inter eos convenit, receptus

XXXIV

ptis Pictavenſi, Santonica & Engoliſmenſi provin-
ciis, acquievit. Cuius belli exitum, pactionemque
ſubſecutam commemoravit ſcriptor annalium Ber-
tinianorum, *An. 845. Damna & cladem Caroli legere eſt
apud annales Metenſes, an. 843. & 844. Sed de belli eius
compositione & fine nihil ibi proditum eſt ſub annum
845. quo Carolus conſlictatus eſt cum Normannis &
Britonibus (Cismarinis) illorum irruptio, iſtorum
ſeditio ei gravis & periculosa fuit.*

XI. Negavit, & proſecto non conceſſit, quod
ex actis liquet, rex Boioariae Ludovicus, rem hanc
totam, quae ad regni Francici partitionem attine-
bat, in arbitrio & poteſtate patris eſſe poſitam, & ra-
tione exemplisqve tueri ſe voluit, ut efficeret, re-
gnum, integra Lotharii dignitate, nec deminuto
praecipui iure, quod trans Alpes habuit, aeqvis par-
tibus inter fratres dividi oportere. Neque enim Lu-
vicus tantum inſigniter laesus, ſed etiam iniuria affe-
ctus videbatur, cum tota, ſi Boioariam excipio,
Francia prohiberetur, & fratri natu minimo poſt-
habitus, illi etiam, qui gravius peccaverat, patrem-
qve bis dignitate exutum, ſede ſua & loco moverat,
in regno dividi aequaliter ſolito, poſthaberetur.
Nam in ipſa etiam poſtrema defectione Ludovicus
eo nunquam progreſſus eſt, ut patrem de ſaſtigio
deiceret, imperioqve & regno privaret, ſed blan-
diis

XXXV

ditiis novercae , & malevolentia inimicorum circumvento , occurrendum statuit , ut partem aequam , & iure sibi debitam , patre iam aetate confecto , & fratribus casum expectantibus , defenderet tempestive ac vindicaret. Erat verus germanusque Francorum sanguis Ludovicus , & iustam , eamque tertiam Franciae partem Francus merito postulabat ; verum indigne cum eo actum est , quando praeter Boioariam , reliqua ac propria Francia exclusius , & non tam iure , quod ad eam vel solo nascendi titulo habuit , quam possessione ad tempus , contra morem Franciae , & contra aequalitatem , in divisione Regum Franciae usitatam , odio quorundam & invidia privatus est , contra quam iniquitatem se munire voluit , & a patre , velut paterni officii oblito , armatis precibus contendit , ut erepta sibi restitueret , & meliorem aequioremve sententiam sequeretur. Quod cum non fieret , summa industria vires & auxilia ad recuperationem Orientalis Franciae comparavit , regionesque conomine ad se pertinentes , oblata opportunitate recepit , ac mortuo A.DCCCXL. inter has turbas patre , bello repetitas , novaque pactione confirmatas , cum ditione sua coniunxit. Annales Fuldenses tradunt , quæ sequuntur. *Ludovicus Orientales Francos , Alamannos , Saxones , & Turingios sibi fidelitatis iure confirmat. An. 840. Idem habent annales a Pithoeo editi , sed error inest in rationibus*

H

tem-

temporum, quibus non congruit annus 839. in Pi-
thoeanis annalibus designatus. Confirmavit autem
sibi Orientales Francos, non propter Boioariam, pri-
ma divisione ipsi concessam, sed propter Franciam
Orientalem ei deinceps coniunctam, quae praedictas
Germaniae regiones transrhenanas complectebatur.
Has enim iure posterioris, eiusque auctae divisionis,
sibi asseruit Ludovicus, Ludovici aug. filius, eodemq;
ex capite in tabulis publicis se scripsit, aut revera
subscripsit, Regem in Orientali Francia. Diploma-
ta innumerato sunt, & pasim extant. Quod ante
subsecutas vicissitudines, vivente, nec improbane
Ludovico Augusto, usu venit, Lotharius enim, patre
mortuo, se subsignavit, Regem in Francia, haud du-
bie ob ultimam patris divisionem, quam graves of-
fensiones, & mala plurima secuta sunt, quae diu in
Franciae visceribus haeserunt.

XII. Postea iniquitas superioris divisionis sub-
lata est, quum Carolus, mutata erga se Lotharii vo-
luntate, in meliores Ludovici partes discessit, & re-
gno suo metuens, paravit se ad bellum, quod a Lo-
thario imminebat, repellendum. Elatior enim Lo-
tharius, ultra quam effusa patris liberalitate ei ob-
tigit, cupiebat, spretaue promissorum sanctitate,
contra pactorum fidem, quam conceptis iuratisq;
verbis firmaverat, omnem Franciam ditioni ac po-
testati suae subicere voluit, & versis in pejora o-

mnia

XXXVI
omnia consiliis, non defensor Caroli, quem futurum
se receperat, sed hostis factus est, nec Ludovico fra-
tri se aequiorem praeiuit, erepturus ei regiones, si
potuisset, trans Rhenum sitas. Ergo se mutuo co-
hortati fratres, condicto ad Colloquium loco, ad
vim arcendam intendunt animos, foedereque ini-
to, regna sua tuerentur, & provident, ne imparati op-
primantur. Cumque Lotharii ingenium non es-
set quietis patiens, neque officiis mitigari posset,
fratribus bellum intulit, nihil motus, neque ratio-
nibus, quae ad fidem servandam, neque conditio-
nibus, quae ad pacem firmandam afferebantur.
Post varios congressus, frustra habitos, armis con-
tendunt infesti fratres, praeliumq; committunt, ma-
gna Francorum utrinque cadentium strage, sed Lo-
tharianis tandem dilapsis, victoriam Ludovicus &
Carolus sibi pepererunt, bellicae fortuna superiores,
partem regni Cisalpini, quae proxime ei obvene-
rat, nova partitione facta, inter se diviserunt. *Anno*
DCCCXL. duo fratres, Ludovicus & Carolus, Lo-
tharium fines suos invadentem, occupandique totius
Francorum regni consilia agitantem, bellicae cupi-
dum, nec portione nuper addita contentum, hostem
iudicarunt, eoque A. DCCCXLI. in Burgundia ad
Fontanetum (Fontanidum aliis) devicto, insequente
A. DCCC. XLII. regni Lothariani partem, cis Alpes
sitam, aequaliter diviserunt, quod Nitbardus, re-

H 2

rum

rum multarum in bello togaque gestarum, & sigillatim huius partitionis, cui ipse interfuit, oculatus testis adiutorque comprobavit, libro IV. Est enim haec partitio inter duos, non plures, sigillatim inter Ludovicum & Carolum, Lotharii hostes, sub id tempus, quo est confecta. Quare non cum illis sentio, qui autumant, hanc divisionem factam esse inter tres fratres, quae tametsi mutila est, tamen negotium hoc non inter plures actum est, quam inter duos, quod Nithardum insipientibus patebit. Tanto minus concedendum Sirmondo est, divisionem eam, quam hoc loco Nithardus tradidit, in primo titulo Capitulorum Caroli Calvi, fuisse designatam, prout mentem suam aperuit, vulgari quorundam opinione, & speciatim recentiori cuiusdam supplemento, quod P. Pithoeus addidit, deceptus, in notis ad titulum huius Capitul. quod in Villa Colonia (non in Ubiorum urbe Colonia Agrippinensi) promulgatum, omnino posterius fuit pactione apud Virodunum facta.

XIII. Illud igitur victo restabat Lothario, ut postulatis fratrum concederet, eorumque haud neglectis obsecrationibus, aequum se praeberet, regnumque paternum citra Alpes aequis partibus dividi pateretur. Quae res consilio delectorum regni procerum A.DCCCXLII. suscepta, & A.DCCCXLIII. mense Sextili, assensu trium fratrum apud Virodunum,

num,

num, ubi pactionis & partitionis causa convenerunt, feliciter perfecta, ac Ludovico Francia Orientalis, cuius tuendae gratia bellum gesserat, concessa, aut potius confirmata est, ita ut deinceps suo perpetuoque iure haberet omnes transrhenanae Germaniae tractus & pagos; ex Cisirhenana acciperet urbes Moguntiam, Vormatiam & Spiram, maxime obearum agros vini feraces: Francia Occidentalis Carolo obtigit, reliqua inter Rhenum & Scaldim Lothario relicta, quam Ludovicus, fratrum novissime dividendum pater, *mediam* appellavit in tabulis de regni partitione Theodonis villae editis, quarum supra mentionem feci. *De regno in tres partes tributo legendi sunt annales Pitheoeani ac Fuldenses, qui initam huius divisionis rationem brevius, Metenses vero & Bertiniani copiosius tradunt, atque omnes in anno 843. congruunt. Sigebertus errore ductus, computavit annum 844. Contra aliorum rationes uno anno deficiunt, excusandae forsitan, si ad initia praeparationemque divisionis respexerunt. Quod Reginonis causa facile existimem, si numeri non sint mendosi. Idem Abbas confirmat, tres urbes Rheno coniunctas Moguntiacensium, Vangionum & Nemetum vini gratia Ludovico assignatas.*

XIV. Tres exinde Franciae tripartita fratrum divisione constitutae, & propter eas tres Francorum Reges, in suo quisque regno appellati sunt, quorum nemo in alium ius habuit, quamvis com-

H 3

muni

muni nomine tituloque Regum Francorum uterentur. Reges tamen nostrae gentis ab anno, quo ad recordari possum, DCCCXXXVI. in publicis subscriptionum formulis orientalem Franciam exprimere voluerunt, ut Franciam Germanicam, suis constitutam finibus, & a Francia Gallica seiunctam significantibus declararent. Hoc enim verum est initium regni Germanorum proprii & liberi, suoque & separato iure constituti, & nunquam in eum statum redituri, ut cum Francia occidentali denuo coniungatur. Nam regni cuiusque limites a regni proceribus, finium peritis, designati, Regumque dividendum auctoritate & approbatione fixi, iurantiumque religione, ac solenni sacramento confirmati, certis veterum monumentis atque testimoniis nituntur. Non quaerenda alibi praesidia sunt, quando fundamentum operi substructum est a conditore annalium Bertinianorum. *Distributis portionibus, Hludovicus ultra Rhenum omnia, citra Rhenum vero Nemetum, Vangium & Moguntiam, civitates pagosque sortitus est. Lotarius inter Rhenum & Scaldem in mare decurrentem, & rursus per Camaracensem, Hainnaum, Lœmsem, Castritium, & eos Comitatus, qui Mosae citra contigui habentur, usque ad Ararem Rodano influentem, & per deflexum Rodani in mare, cum Comitatus similiter sibi utrimque adhaerentibus. Cetera usque ad Hispaniam*

niam Carolo cesserunt. A. 843. Quam divisionem, fide iureiurando obligata, persancte a tribus fratribus confirmatam fuisse tradunt Fuldenses ac Metenses annales, A. eodem. In Chronico Laurishamensi, quod Marq. Freherus edidit, librarium vitio secundus dividens Ludovicus omissus, & portio Caroli mendose scripta est, nulla scriptoris culpa, cuius cum sequens pagina absolvit. Karolo, qui minimus natu erat, Occidentalia regna (cesserunt) id est, Germania (Gallia legi debet cum Duchesnio) usque ad Rhenum (ad Molam, auctoritate Veterum) atque trans Rhenum nonnullae civitates. Deficiunt quaedam, & supplenda sunt atque corrigenda. Ludovico autem Orientalia, id est, Germania usque ad Rheni fluentia, atque trans Rhenum (ratione Franciae Orientalis) nonnullae civitates. Perinde ut eodem seculo de eadem divisione scripsit Sigebertus. Verum Duchesnius supplevit hoc modo. Ludovico quidem Orientalis Francia contigit, recte, si rem ipsam spectro, at non ex veteri, ut a Francis traditur, divisionis formula, si tamen hanc servare voluit iste Chronographus, qui de obitu Ludovici narrans, longe aliud indicat videtur sequentibus. Qui (ut supradictum est) in divisione regni Orientalem Franciam sortitus est: unde, opinor, Duchesnius correxit, quanquam ea non respondent superioribus verbis, divisionem complectentibus, occidentalia regna,

gna. Constat enim, Veteres ad hanc divisionem respicere solitos, dicere *partem orientalem*, & *regna orientalia*, quibus Franciam orientalem significabant; Reges autem transrhenanae Franciae, ante & post hanc divisionem, se *Reges in Orientali Francia*, in extrema in primis tabularum parte, subscribere consueverunt, quod usus tractatioque diplomatum docet, & Ludovici Germanici exemplum firmat, qui eo titulo antehac ad regnum illud retinendum, postea ad eminentius significantiusque appellandum spectabat.

XV. Postea vero quam ad Orientalem Franciam accessit insignis regni Lothariensis portio, termini Franciae Orientalis in Franciam mediam promoti sunt, eiusque multi & ampli tractus cum Germania coaluerunt, qui non Francogalliae, extra cuius ditionem, teste divisionis formula, constituebantur; vacante autem Lotharii regno, in patrimonium Franciae Germanicae, ad quam iure pertinebant, redacti, regnum Ludovici, coniunctione utriusque regni facta, auxerunt, omisso tamen ab eo Franciae Lothariensis titulo, aut raro a successoribus usurpato. Proinde quorundam haec incrementa reputantium industria effecit, ut cum *regna Francorum*, imperiumque Francorum a scriptoribus *Francogermanicis* nominantur, tum Francos Orientales Lotharianosque coniunctos, una eademque

significatione comprehensos, existimare debeamus. Quae res ut planior fiat, non gravabor afferre testimonia, quae dictis fidem faciant, & loquendi formulas illustrent. Etenim Lotharius, priusquam imperio regnisq; se abdicaret, regnum suae ditionis, qua Francicum erat, A. DCCCLV. inter filios Lotharium iuniorem, & Carolum partitus est; alteri eam Galliae partem, quae Lotharingia ab eius nomine dicta est, alteri Provinciam Burgundiamque assignavit; Ludovico natu maiori filio regnum Langobardiae cum Romanorum Imperio reliquit. Ea divisio offendit Ludovicum, & querendi materiam ei praebuit, quod putaret, angustiores esse regni sui terminos, & Imperatoris Ro. dignitatem avo acceptam ferret. *Annales Bertiniani A. 856.* Deinde mortuo, quod A. DCCCLXIII. accidit, sine liberis Carolo, regnum eius inter fratres, Ludovicum & Lotharium aequis partibus divisum est, eaque re nova accessio facta ad regnum Lotharii, ex quo partem transiurani tractus, in quo Geneva erat, decerptam, Ludovico Fr. addixerat, *ut legitur in iisdem annalibus, quorum auctoritate libens utor.* Hinc sine progenie legitima decessit A. DCCCLXIX. Lotharius, de cuius regno fuit controversia inter Ludovicum Germanicum, & Carolum Francogallum. Ludovicus quoque II. Imp. ad spem capeffendi huius regni se erexit, cuius causam agebat Nicolaus Pontifex,

misque ad Carolum nunciis, significabat, regnum illud, morte Lotharii, iure hereditario ad Ludovicum rediisse. *Annales cit. A. 869.* Sed Carolus, nulla obnunciatione territus, quomodo fratrem idonea satisfactione placaret, cogitabat, eumque iuri suo non defuturum, animo praecipiebat. Quare data utrinque & accepta fide, inter Ludovicum & Carolum fratres convenit, ut regnum Lotharii iunioris aequaliter dividerent, atque ab iniuriis abstinerent. Facta est haec sollemnis partitio in agro Leodiensi, atque in Procaspide ad Mosam fl. inter Heristallium & Marsham, anno, qui in Christianorum fastos relatus est, DCCCLXX. V. Kal. Sextil. Aequa enim Ludovici postulatio, & iusta pacis in-eundae ratio, non magis cum dignitate regum, quam cum salute regnorum coniuncta erat. Ludovico praeter complures regni Lothariani urbes & tractus, etiam per antiquae, & a Romanis conditae urbes Colonia Ubiorum, Augusta Trevirorum & Argentoratum, congruentibus transigentium sententiis, assignatae ac traditae, regnoque Orientalis Franciae, stabili & perpetuo nexu coniunctae fuerunt. Moguntia enim, Vormatia & Spira, iam superiori divisione regno Germanorum attributae, minime ad Lotharii regnum pertinebant. *Divisio haec insignis maxime ac memorabilis extat cum pactione iurata, quae solennem hanc divisionem praecessit, & eodem*

eodem anno Aquisgrani facta est, in Capitularibus Regum Francorum tit. XLII. In annalibus Bertinianis an. 870. in Aimoino, vel potius Aimoini appendice lib. V. c. 25. Exinde desumptam, & cum duobus MST. codicibus collatam Nitbardo subiunxit P. Pithoeus, p. 488. seq. Post eum A. Duchesnius edidit, t. II. p. 253. seq. Ex Aimoino citavit Jacobus Sirmondus, in notis ad Capitularia Caroli Calvi. Goldastus in Constitutiones imperiales retulit, quia per illam rationes finium Imperii Germanici constitutae sunt Francogalliam versus. Non enim Imperatoria, sed regia duorum transigentium auctoritate se tuetur. Eodem auctore inscribitur transactio Procaspidana, & pro VI. Idus Augusti, ad oram notatur, V. Calendas Augusti. Priorem Calendarii Romani numerum retinuit Duchesnius, sed alter defenditur auctoritate annalium Bertinianorum, an. 870. Non hic omiserim, tres urbes, Lugdunum, Vefontium & Viennam, & alia quaedam ex regno Caroli, cui Provincia cum parte Burgundiae obvenerat, distributione facta, ad regnum Lothariense, & hoc postea diviso, ad regnum Francogallicum Caroli pervenisse, atque adeo in prima Lotharii Imp. divisione, extra Lotharii iunioris regnum fuisse. Ne vero cum Thuano sentiamus, cavendum est, qui minus accurate interdum explicuit res antiquas Francorum, & scripsit, Coloniam Ubiorum ab Ottone M. translato a Francis ad Ger-

manos Imperio, iuris Germanici factam, *hystor. lib. LXXVI.* Nam ipso hoc Carolingorum seculo, regnantibusque Francis, & diu ante successores eorum in regno Germaniae Saxones, atque adeo ante Ottonem M. ex formula partitionis in Procaspidae factae, non procul Ubiorum finibus, Colonia Ubiorum in ditionem Germaniae venit, ac inter Urbes regias, sive Imperii Civitates, relata, integro iure, & incolumi statu, mansit usque ad hunc diem. Nec assentior Christ. Brovvero, Ignatianae sodalitatis patri, viro ceteroquin patriarum rerum insigniter perito, qui putavit, pagum Megenensum, in formula divisionis Procaspidicae nominatum, Ripariis esse attribuendum. *Annal. Trevir. lib. VIII.*

XVI. Quae divisio simultates inter utrumque regem gliscentes extinxit, & novos utrique regno terminos constituit ac definivit, ut non iam Rhenus, quemadmodum antea fuerat, tribus urbibus cum tractu cuiusque exceptis, sed Mosa, demptis aliquot citerioribus oppidis, inter Germanicam, Gallicamque Franciam limes esset. Contributa enim Ludovico Regi, & simul regno Germaniae in perpetuum coniuncta est ea hereditatis Cismosanae portio, quam interceptit quidem & usurpavit Carolus, sed agnito violentae possessionis vitio, a fratre admonitus, bellumque eius rei causa veritus, incepto destitit, & regnum, ad quod frater ius habuit, vel ipsa

ae-

aequitate postulante, & more etiam atque instituto
superiori movente, aequis partibus cum fratre di-
vilit, adeo ut urbes regionesque Lotharianae cite-
riores Ludovico deberentur merito, & tribueren-
tur quoque ac traderentur, eaeque ad heredes &
omnes eius successores transfirent, & cum regno
Germaniae, cui innexae sunt, firma perpetuaque
retinendi lege transmitterentur. Haec mens tran-
sigentis Ludovici Germanici fuit, hanc transactio-
nis causa exitusque ostendit, hanc, patre mortuo,
filii Ludovicus iunior & Carolomannus, adversus
callidam versutamque patrui interpretationem de-
clararunt, & constanter tutati sunt, hanc denique,
extincta Carolingorum in Francia Orientali pro-
genie, Saxo-Vitikindei Germanorum Reges consi-
lio, sententia, armisque defenderunt. Quinimo
Ludovicus, ut potior regni Lothariani heres, etiam
Nicolai Pontificis sententia habitus, in transigendo
aequior, & in concedendo liberalior fuit, nec mul-
to post eum sollicitavit Ludovicus patrueles, ut par-
tem suam nova pactione sibi traderet, partemque
alteram Carolo traditam ipse repeteret, iunctisque
secum armis, nolenti extorqueret. Sed nihil tale is
executus est, nec pars regni huius adempta Caro-
lo, quem bello Normannico distractum, opibus
fortunisque evertere potuisset. Nisi quod, ob iter
trans Alpes susceptum, praereptumque adeo Ro-
mano-

manorum Imperium , fratri infensor , anno
DCCCLXXV. filios ad resistendum ei in Italiam
misit, ipse autem duxit in Galliam, & facta regni
vastitate, in Germaniam rediit, ac sequenti anno
decessit. *Rem hanc executi sunt Aimoinus, sive au-*
ctor Appendicis Aimoini, quam in editione VVeche-
liana curavit Freherus, lib.V. c. 28. Annales Bertin-
niani A. 872. Quo respexit ipse Carolus, in titulo
XLIV. Capitularium suorum, ubi Ludovicus dicitur
sacramenta dirupisse, & æquivoco (cognomini)
suo Hludovico Imperatori se coniunxisse, anno an-
nalibus Bertinianis congruente, quem emendatae
rationes firmant. Sed res ea intra pactiōem ste-
tit, & sine armis acta est; tum destinata magis,
quam instituta iure feicali repetitio, bellumque post
ex alia causa Carolo illatum. Neque Carolus, dum
frater viveret, ex eo capite quicquam asseruit sibi &
regno suo vindicavit, conscius sibi conditionis suae,
quae, non repugnante fratre, melior facta, etiam re-
crudescentibus mutua aemulatione odiis, belli & anci-
pitis fortunae casibus non subiicienda videbatur. Illud
ergo fraudi non sit Ludovico, uni omnium primo se-
paratae Francogermaniae Regi, quod pro conditio-
ne temporum consilia Caroli consiliis contraria agi-
taret, rebusque suis tempestive caveret, ambitio-
sumque Regem, idoneo potentiae temperamento, ad
moderationem revocaret. Hinc merita cius cumulate
memo-

XLII

*memorantur in Chronico monasterii S. Arnulfi, quod
annalium Metensium titulo, quem Duchesnius addidit,
celebratur. In anno eius emortuali 876. Gemina
scripsit Laurisbamensis Monachus, & iustum, pium,
misericordem, appellans, tribus verbis maximas
Ludovici Germanici laudes absolvit.*

XVII. Cum ergo Ludovicus in separata Ger-
manorum Francia primus regnarit, tum primus
quoque omni Franciae transrhenanae regis titulo
praefuit, eiusque ratione *Germanici* cognomine
singulariter & per eminentiam appellatus, hoc am-
plius obtinuit, ut, prolatis finibus, illi honor acqui-
siti Lothariensis regni debeatur. Quo unus elogio
discernitur ab omnibus in regno Germaniae suc-
cessoribus, qui rempublicam ab eo legibus Ger-
manicis constitutam, & deinceps virtute ipsius au-
ctam se accepisse, fateri necesse habent; primi ac-
quirentis dignitatem in utroque & coniuncto re-
gno derogare non possunt, & religione animi, ac
recordatione meritorum prohibentur. Quamob-
rem haec Lotharingia citerior non statim Germa-
niae, cum seorsim res suas constitueret, coniuncta,
sed postquam coniunctio accidit, eodem iure, quo
Germania, usa est, & iisdem, quibus illa, regi au-
spiciis coepit. *Instrumentum partitionis, ex qua
Lotharingia Germanica originem ducit, ut hodie ex-
tat, portiones inter utrumque paciscentem divisas*
com-

comprehendit, sed momenta & causas initae pactio-
nis, & factae partitionis, aliunde, & ex monumen-
tis horum temporum colligamus facile & supplea-
mus. Minus accurate Goldastus partitionem in
Procaspidem factam nominavit transactionem, quia
in Procaspide non transactum, sed erciscundae here-
ditatis negotium confectum est, quando formula
transactionis, quae lites Lotharianae hereditatis &
finium compositae sunt, Aquisgrani facta colligitur,
propterea quod in ea urbe, pridie Nonas Martii, an.
DCCCLXX. inter Reges disidentes, dato utrinque
iureiurando, convenit, eaque ex causa pactio Aquis-
granensis vulgo dicitur, & passim celebratur.

XIIX. Finitis ita aequabili compositione dis-
fidiis, duae regni Carolini partes, a primo acqui-
rente Ludovico, in ditionem Germanicam reda-
ctae, & A. DCCC LXXIIX. pactio Furonensi,
a Ludovico, Caroli Calvi F. de integro confirmatae,
magnum auctoritatis pondus merito habuerunt;
regno quoque ex duobus regnis arctissime iunctis
constituto, haec nova dignitas conciliata est, ut
eminentiore nominandi ratione a ceteris distin-
gveretur. Praesto sunt haud suspecta monumen-
ta, in quibus regnum Franciae Germanicae a Fran-
cogallia seiunctum, Imperii Francorum titulo insi-
gnitur. Duo afferam testimonia, quae id confir-
mant, annalium Metensium, & qui horum verba
reti-

817
retinet, Reginonis. Utrobique enim legitur, Arnulphum, Carolomanni F. & Ludovici Germanici nepotem, *Imperii Francorum sceptrum suscepisse*, id est, regnum Germaniae a regno Franciae Galliae separatum, regno autem Franciae Lotharingicae auctum, *an. 880.* Eodem modo scripsit Vitichindus Saxo, Francos scribendi duces secutus, *annal. Sax. lib. I. & II.* Non dubito hanc fuisse causam Otfrido, quamobrem auctorem & acquirentem utriusque regni appellaret, *Orientalium Regnorum Regem*, quæ formula ut antiqua, sic eminens est, & observatu digna, quam in libro *Odei* vetustissimo scriptam reliquit. Ratio huius tituli facit, ut credam, Vitichindum Henrico Aucupi, summam potentiae gloriam ex regno Francorum Orientalium consecuto, *Imperatoris*, id est, regnorum, Germanici & Lothariani Regis, tribuisse, *annal. lib. I.* Quod de Francis Occidentalibus non legas uspiam & animadvertas in antiquis, & simplici veritate se tuentibus monumentis. Nam de Augusta Imperatoris Romanorum dignitate, quam Otto magnus, Henrici F. anno DCCCCLXII. primus omnium ad Francos Orientales & Germanos transtulit, nullum ei, ut vulgo putant, sermonem esse, ex instituto scribentis, & nexu historiae patet satis, & facile probatur. *Pactio, sive, ut inscribitur, Conventio Furonensis extat inter Capitularia Caroli Calvi, unde mutuatus est Goldastus, & addi-*

K

dit

dit Constitutionibus Imperialibus, t. III. Duo hic notanda veniunt, quod Conventus Furonensis apud Furonos, ubi regia villa erat, in finibus Herstalli & Marsnae, habitus fuerit, & quod eodem tempore Ludovicus in Gallia occidentali regnaverit, quem Goldastus perperam vocavit Imperatorem (Romanorum). Praeterea rationes non congruunt, & annus 878. definit tempus, quo congressi, collocuti & pacti sunt Reges. Sed Goldastus in anno discrepat, & acta Comitiorum Furonensium (ipse Furonensium scribit) rejicit in annum 879. Ab his partibus stat Aimoinus, sive potius auctor supplementi, Aimoini nomine inscripti, lib.V.c.38. Idem numerus expresse notatur in Capitulari, quod commemoravi. Pro me faciunt annales Fuldenses, primum a Pithoeo editi, quorum auctoritatem corroborat eventus, quem signat Ludovici balbi, Francogalliae regis, obitus, qui contigit ante anni 879. Calendas Novembreis, in quas Comitia apud Furonos habita incidisse memorantur.

XIX. Fecit quidem contra fidem conventionis Carolus, quum Ludovico fratre mortuo, pro recuperando Lotharii regno, repetendisque citimis Rheno urbibus, comparato ad exequendum exercitu, anniti coepit, sed Ludovicus, Ludovici Germanici filius, regni Lothariani ex divisione heres, male mulctato eius exercitu, propulsavit iniuriam,

XLIV

iuriam, & fines suos, suscepto iuris tuendi consilio, strenue ac fortiter defendit. Neque eo secius frater Carolus portionem suam retinuit, quam traditis aliquot Lotharingiae urbibus, aequa dividendi ratione accepit: neque Carolomannus de Italiae regno decedere voluit, possessione subnixus. Patre mortuo, repentina temporum inclinatio secuta est, & rebus in periculum adductis, Rex Francogalliae Ludovicus, metu maioris mali, ad paciscendum descendit, ac nova pactione ius Ludovici, in regno Lotharingiae acquisitum, & a patre Ludovico successione deductum, eoque defuncto, divisione inter fratres instituta, eidem Ludovico traditum confirmavit. Capita conventionis Furonensis dilucida sunt, & satis probant, in quorum prooemio haec leguntur. *Sicut inter patrem meum Carolum* (Francogallum, vulgo Calvum) *& patrem vestrum Ludovicum* (Germanicum, primum separatae Germaniae, & Lotharingiae Germanicae acquirentem.) *regnum Lotbarii divisum fuit, volumus, ut ita consistat.* Confutat iniustitiam patris Caroli asserentis, *se cum fratre, non cum nepotibus* (fratris sui filiis, Carolomanno, Ludovico, & Carolo) pepigisse. *Annales Metenses an. 876. Regino Chron. L. II. in anno eodem.* Alterum, quod ibi sequitur, ad Carolomannum spectat, cui praeter portiones patrimonii Germanici, Boioariam, regnaque Slavorum

K 2

& Pan-

& Pannonum coniuncta, regnum Italiae possi-
dendum relinquatur, his verbis: *quicumque modo
illud tenet* (tenebat autem Carolomannus) *ita
teneat, donec Domino volente simul convenientes cum
communibus fidelibus nostris, inveniamus & definiamus,
quod ex hoc melius & iustius fuerit.* Aliquanto
post Ludovicus balbus satis concessit, nec quidquam
trans Alpes habuit, aut adeptus est, regnum vero Itali-
ae cum Ro. Imperio, exclusis Ludovico balbo, & suc-
cessoribus Francogallis, pervenit ad Carolum, ter-
tium Ludovici Germanici filium, cui Alamannia,
& aliquae regni Lothariani urbes attributae sunt,
in quarum firma & iusta possessione permansit.
Partem enim Lotharingiae, quam accepit Carolo-
mannus, eam Ludovico fratri dedit, qui rursus
cum fratre Carolo divisit, & utraque post mor-
tem Ludovici, denuo coniuncta, in Caroli ditio-
nem venit, & inter has quoque vicissitudines, nun-
quam translata est ad Francogallos. Annales Pi-
thoeani. *Hludovicus Karoli Regis filius timore per-
territus propter iniurias a patre suo Regi illatas, le-
gatos ad eum dirigit, pacem postulat, & se de omni-
bus, quae contra eum genitor suus gesserat, excusare
nititur.* An. 877. Eodem anno Lotharingia Germa-
nica a tribus fratribus tripartito, & insequenti, cum
iure suo cederet Carolomannus, bipartito divisa
traditur, atque hoc argumento fuit & mansit o-
mnino

XLV

omnino Germanici iuris. *Rex Hludovicus ad Agros in mense Octob. perrexit, Et cum aequivoco suo Caroli Regis filio haud procul inde colloquium habuit. Annal. Pith. an. 878.* Innuunt profecto & indicant conventum Furonensem, illo ipso, ut paulo ante dixi, anno habitum, quem annales Bertiniani eodem anno definiunt, magnumque momentum afferunt ad veritatem eius rei confirmandam. Annales Metenses insuper tradunt, Ludovicum & Carolomannum, Ludovici balbi filios, quos Carolus avus sane pro legitimis habuit, repentina irruptione territos, Ludovico Austrasiorum Regi, portionem regni Lotharii, quam avus paterque tenebat, ex integro illi concessisse, addita insuper Atrabatis Abbatia S. Vedasti. an. 879.

XX. Quae pactiones consensu Francorum populi, aut Procerum e populo delectorum firmatae, non reges tantum, sed eorum successores & regna obligarunt, tum renovatae aliquoties & voluntate paciscentium corroboratae, pleraeque etiam ac priores iurisiurandi vinculo astrictae, sanctissimoque societatis humanae praesidio communitae, atque ab invadentium iniuriis defensae, neque unquam abalienatae, neque amissae sunt aut derelictae. Quare standum est his pactis, in quibus cardo iuris Germanici vertitur, quibusque non magis cura vicinitatis, quam finium securitas

continetur. Saepe quidem antea Austrasiae, non
secus ac Neustriae ipsiusmet, & Burgundiae quoin-
dam termini moti aut mutati sunt, prout necessi-
tas temporum mutandi causam praebuit, Reges-
que superiorum temporum, variis bellorum occa-
sionibus & casibus, eo induxit, ut novas partitio-
nes facerent, regnorumque fines non eodem sem-
per modo constituerent ac metirentur. Postea
vero quam regna divisa, & in perpetuum separata,
ac separato iure constituta sunt, termini utrinque
fixi, voluntate iudicioque paciscentium, assentien-
te populo, definiebantur, quemadmodum condi-
tio salusque regnorum, quae dividebantur, ferebat.
Utique enim ratio firmandae inter vicinos pacis,
regnantiumque securitas deposcebat, ut inter re-
gna, quae mutuo consensu dividi placuit, firmus
esset stabilisque limes, quo finium controversiae,
valituro in perpetuum pacto, dirimerentur com-
mode, ac sublati belli causis, terminarentur. Con-
stituti ergo inter utrumque regnum termini sunt,
qui vel situs locorum indicio, & vicinitatis causa
melius constitui non potuissent, quando Germa-
nicis rationibus pars Lotharingiae propior conve-
niebat, hisque adeo rebus fiebat, ut Lotharingia
citerior, quam potior, & aetate prior in Germania
heres vindicabat, non regno Francogalliae, sed
Germaniae, cuius fines contingebat, attribueretur,
quod

XLVI

quod Regum conventionē usuprobātum, negotiūque perfectum est, sic ut deinceps Lotharingia citerior ditioni Germanorum arcto foedere, & aeterno nexu, sine ulla repetendi spe, & sine ullo recuperandi iure coniuncta, vera regni Germanici pars esset. In hoc non caduco, neque fragili fundamento innixi Germanorum Reges, Lotharingiam regno suo attributam, & suscepto bello defensam, ac nova pactione Furonensi, rursus pleno iure confirmatam, atque ab omnibus Carolingis in Gallia regibus approbatam, summa, nec dependenti potestate habuerunt, regnisque Germaniae divisīs, ac denuo, quod sub Carolo Crasso accidit, coniunctis, insignem hanc debitamque Germaniae accessionem, felici rerum cursu, integram adepti, Germanico nomini asseruerunt, mortuisque in Germania Carolingis, successores ex stirpe Saxonica reges repetierunt fortiter, & recuperarunt, cessamque & eieratam ac redditam firmo retinendi animo, retinuerunt pariter, ac iure viribusque freti, armis defenderunt. *Lotharingiam citeriorem auspiciis Germanicis constitutam, & conservatam esse, historici consentientes tradunt.* De Ludovico, Ludovici Germanici F. constat, eum propugnasse pro Austrasiis, & propulsaſſe invadentem Carolum, & armis adegisse Ludovicum Caroli F. ut Lotharingiae, qua in Germaniae fines descripta erat, nuncium remitteret, eamque in fide ac ditione Germanica esse pariter ac manere vellet.

Re-

Regino, & annalium Metensium scriptor, tradunt. Ludovico (Austraſiorum regi) *portionem regni Lotharii, quam avus paterque tenuerat, ex integro concessam, ita ut iis finibus contineatur & consistat, quibus inter Carolum & Ludovicum Germanicum in Procaſpide diviſum erat, & si aliquis Caroli fidelium de regno patris sui ex eo aliquid purpriſum (male quaeſitum, & uſurpatum, ut annales Bertiniani explicant), habeat, iuſſu regis illud dimittat (apud Goldaſtum, dimittatur)* id eſt, reddat ac reſtituat Ludovico, legitimo Lotharingiae Germanicae regi, quemadmodum legitur in conventionem Furonenſi. Nec quidquam de Auſtraſia detrahi paſſus eſt Carolus Craſſus, ſed Normannos eam incurſantes, miſſo exercitu, propulſare voluit, & liberare illam regni Lothariani partem, ut Regino, ex eoque *Collector annalium Metenſium an. 884. 886. commemoravit. Qui ante utroſque ſcripſit Monachus SanBertinianus ſcribere deſiit anno 882.* quo armavit primum & miſit exercitum contra Normannos. Neque is amiſit, aut abalienavit Lotharingiam, ſed ipſam aliquandiu Franciam Neuſtricam, volentibus & invitantibus eius regni optimatibus, tenuit, quod praeter ſcriptores Francos tradit *Aſſer Menevenſis in vita Aelfredi.* Caroli ſucceſſor Arnulphus, Carolomanni F. cum Zventiboldo filio Rodulſum, Lotharingos ad ſeditionis conſilia

consilia instigantem expulit, & eundem filium regendo Lothariensi regno imposuit, sed ea lege, ut in sua Regis Germaniae fide clientelaque esset. Significanter annales Metenses. *Zuentiboldus filium regno Lotharii praefecit. an. 895.* Optimatum regni Germanici, ad quos ea res quoque pertinuit, consensu, Lotharingiae impositus, tituloque regis ornatus est, sed *regis augusti* titulum decreto eius, quod anno 898. emisit, errore ductus praescripsit Goldastus, non fide diplomatum, sed ex ingenio, & eo quidem consilio, ut Zuentiboldum in Caesarum, sive Regum Romanorum numerum referret. *t. I. Const. Imp. an. cit. in notis ad oram.* Ibidem annumeravit regibus Franciae Orientalis Zuentiboldum, qui cum Lotharingiae regnum patri, Franciae Orientalis regi, acceptum tulit, tum auspiciis Germanicis tenuit, neque ea contentus, Burgundiam invasit, *ut ex Regione fidem facit Chiffletius, Vefontionis parte II. in Theoderico I.* Zuentiboldus anno 900. in praelio ad Mosam commisso cecidit, regnumque ad Ludovicum fratrem rediit, quem regni Optimates eius rei causa accersiverant, *annales Metenses an. eodem.* Ab excessu Ludovici, Carolingorum in Germania ultimi, Carolus simplex, Ludovici balbi F. Caroli Calvi N. occupavit regnum Lotharii, non secus, ac si in regum, qui decesserant, patrimonio fuisset. Equidem.

L

Con-

Conradus I. Germanorum Rex non iure, sed viribus & potentia destitutus, belloque Ungarico impeditus, invadentis perfidiam hostis ulcisci non potuit, temporum vitio, & calamitate belli, nullo tamen cessionis, aut derelictionis indicio, quandoquidem arma vindicandi iuris causa cepit, quod testimonio pervetusti Sangallensis Chronici firmo. *Conradus ipso anno (DCCCCXII.) Francos, qui dicuntur Lotharingi, hostiliter invasit.* Et sequenti anno DCCCCXIII. *Conradus cum exercitu Regnum Lotharingorum ingressus est.* Non certe amittendi animo, sed vindicandi. Is ubi e vita migravit, longe alia rerum Germanicarum facies extitit, & Henricus Saxonum ac Thuringorum Princeps, electus est Germanorum rex, qui suam Germaniaeque causam animose & fortiter tutatus est, regnumque Lotharii non ut alienum, occupavit, sed ut regni ad se delati insigne membrum reperit, & iure suo usus est, quod inde a Ludovico Germanico, ad ipsum, & omnes in regno Germaniae successores derivatum, atque adeo debitum, reposci oportuit & recuperari. Idcirco Henricus restitutionem flagitavit, & Lotharingiam iure pertinentis, & partis regni vindicavit merito ac recepit, eamque cum ditione Germanica, cui subtracta fuerat, coniunxit. Auctor supplementi Reginonis quae inter Reges acta sunt, non omisit, summatimque complexus

xus

XLVIII

est. Carolus (simplex) & Henricus (transrhenanus Saxo) apud Bonnam Castellum conveniunt, & pacem inter se facientes, foedus ineunt: & Carolus nunquam sibi amplius Lothariense regnum usurpatum promittens regreditur. an. 924. Duo hic in controversiam vocantur, quando foedus initum, & quid foedere comprehensum fuerit, caputne tantum factae pacis, an restitutionis Lotharingiae, de qua certatum est inter duos reges. De anno dissentiunt scriptores, nec eodem modo supputant, in Capitular. annus legitur DCCCCXXVI. In Sigeberto DCCCCXXIII. in Reginonis supplemento DCCCCXXIV. Sed mihi potior est Frodoardi auctoritas, definientis annum DCCCCXXI. quo initum est Bonnense pactum. Tricatur Blondellus, & in huius argumenti parte non est ingenuus, quando affirmare haud veretur, auctorem supplementi Reginonis, & cum eo Sigebertum, ac Ottonem Frisingensem veri oblitos, haec talia de restituta per Carolum Henrico Lotharingia scripsisse, vel eo argumento, quod Bonnensis pacti tabulae, prout integrae & incorruptae extant, nihil praeter pacem & amicitiam contineant, de cessione autem & restitutione Lotharingiae facta ne verbum quidem complectantur. Nemo tamen sincerus antiquitatis aestimator Blondello concesserit, totum hoc caput, quod de cessione & restitutione Lotharingiae

L 2

ringiae veteres tradunt, prorsus esse confictum.
Nam, quod nemo inficiari potest, veraces ingenui-
que scriptores, Frodoardus & Dithmarus, etiam
non dissimulante Blondello, testantur, Lotharingi-
am ab Henrico recuperatam, in fidem ditionem-
que Germanicam rediisse. *Ille in Chronico an. 925.*
Henrico cuncti se Lotharienses committunt. Et an.
926. Ebrardus quoque transrhenensis in regnum Lo-
tharii mittitur ab Henrico, iustitiam faciendi causa,
& Lotharienses inter se pace consociat. Iste libro I.
Chron. tradit, Carolum simplicem Henrico omne re-
gnum Lothariorum, si ab eo liberaretur, traditurum
sacramentis promississe. Otto I. cognomine magnus,
Lotharingos ad obsequium redegit. Frodoardus
Chron. an. 939. Otto rex in regnum Lothariense re-
grediens, pene cunctos ad se redire coegit Lothari-
enses. Et anno 940. Otto rex Henrico fratri suo re-
gnum Lothariense committit. Post hunc Otto Frisin-
gensis Chron. lib. VI. c. 19. Sigebertus an. 945. Nec o-
mittendus est Adamus Bremensis Hist. Eccles. lib. II. c. 2.
Ubi regna, quae Otto M. suo imperio subiugavit, Lo-
tharingicum in primis & Burgundicum intelliguntur.
Qua de causa in tabulis, speciatim ad regnum Lo-
tharingiae pertinentibus, titulum praescripsit regis
Lothariensis & Francigenum, cuiusmodi extant a-
pud A. Miraeum, quae admoneant, Ottonem, con-
firmato in Lotharingiam iure, recte sumpsisse regis
Lo-

Lothariensis titulum, cum regni eius administrationem
auspicaretur. Rectius profecto, quam Carolus Calvus,
qui ex occupatione Lotharingiae argumentum succes-
sionis ducebat, regnique eius annos perinde ac Fran-
tiae Neustricae, ex diversa tamen causa acquisitae, in
tabulis notabat. *Exemplum huius rei suppetit in Aimoi-
no, lib. V. cap. 35.* Sed vis ista Caroli atque impetus, nul-
lum invadenti ius dare potuit, qui sciret descripta iura
finium, neque ignoraret pacta sanctissime conventa,
quae ab ipso violata sunt, cum ab alienis non abstine-
ret manus. Agnovit hoc post proavum Lotharius, &
regnum Lothariense non modo non retinuit, sed quo-
que redditurum se recepit, ac non repetendi animum
simul declaravit aperte, & Lotharingiam eiecit. Quam
in rem scripsit Sigebertus. *Otto Imperator, & Lothari-
us Rex, convenientes super Carum fluvium pacificantur,
datis invicem sacramentis, & Rex Lotharius Lotharin-
giam abiurat. an. 980.* Otto III, haud minorem in tuen-
do imperio constantiam probavit, & servatae Lotha-
ringiae laudem tulit, suffragante etiam Blondello, qui
*universam Lotharingici regni possessionem, penes Otto-
nem III. illibatam mansisse, ingenue confitetur.*

*In genealogiae Franciae pleniori
assertione, p. 267.*

CAP.

DE AUSTRASIA, REGNANTIBUS

FRANCOGALLIS CAPETINGIS.

I. Constat dictis fides, & longiori esse mihi non vacat, quando satis pro dignitate argumenti, & servatis per duo capita historiae legibus, exposui, Austrasiam, sive recentiori nomine Lotharingiam, vero & antiquo iure Germaniae teneri. De qua nihil delibavit aut detraxit Hugo Capetus, Hugonis magni filius, & novae in Francogallia stirpis conditor, neglectis Ludovici ultimi, qui juvenis decessit, agnatis, non iure Karolini sanguinis, sed Procerum suffragio A. DCCCCXXCVII. Rex electus, teste Odoranno, & auctore membranae Floriacensis b.an. Is autem servata pactorum fide, non movit regni terminos, nec posterius eius lites de finibus excitarunt. Quod praeter monumenta & tabulas, quas Imperatores, qua Reges Germaniae promulgarunt & impertiti sunt, sine suspitione falsi testantur, nec diffiteri potest, ille alioqui in res Germanicas iniquissimus, cetera autem doctissimus Blondellus. Idoneus & gravis ex tertio decimo seculo testis est Albertus abbas Stadenfis, & ex veteri itineris Romani libro confirmat, iura finium lapide in utriusque regni limite posito, designata fuisse. Neque haec labefactata sunt a Capetingis illorum temporum, reputantibus, quid ex pacto suum, quidve alienum esset. Praeterquam enim quod primi divisionis auctores

res


2
res fidem, sua & successorum causa, conceptis ver-
bis obligarunt, signum quoque publicum statue-
runt & collocarunt, quod fines utriusque regni a-
pertissime separaret. *Lapis positus est in media vil-
la (Rulie) iuxta viam, quae determinat Imperium &
regnum Franciae. Chronica Reineccio editi pag. 183.*


II. Nullus ergo Regum nostratum adhaec us-
que tempora extitit, qui tuendorum patriae finium
curam sic abiiceret, ut Lotharingiam a Germaniae
corpore, cui arctissime iuncta & agnata est, avelli
cuperet, aut avellendi voluntatem ullo evidente in-
dicio ostenderet ac significaret. Saxones ipsi con-
trariis factis se tuebantur. Salici haud segnius fa-
ciebant. Hohenstauffii dignitatis aequae ac iuris
tenaces erant. Sed post horum fatalem casum, &
sigillatim post Friderici II. Imp. decessum, turbatis
interregno Germaniae rebus, Francogalli, fixas pa-
ctorum tabulas revellere sensim, & aliquas regni
Lothariani partes usurpare coeperunt. Qua in re ni-
hil admissum, certe nihil ab alienatum aut cessum est
ab Austriis, non a Rudolpho Habsburgio, cui instau-
ratae e ruinis Germaniae gloria debetur. Nihil iuris
Austriaci in Francogalliam transtulit, & vicinis etiam
iuris nondum extincti vestigia videntibus, cum apud
Alsatiae urbes, in vero & veteri Austrasiae fundo,
vicinoque Burgundiae comitatu summam potesta-
tem exemplis confirmaret. Albertus Rudolphi fili-
us,


us, non discessit ab officio retinendi bona Imperii, & modestiae inprimis suae specimen dedit, cum Bonifacius IIX. Philippo pulchro interdixisset sacris, regnumque Francogalliae in electum Imperatorem transferre constituisset. Luzelburgici nihil dederunt donaruntque externis regibus, sed tota eorum liberalitas intra Imperii fines constitit, nec prodigalitas Venceslai latius evagata est: Sigismundus denique illorum ultimus, quod pro temporum statu potuit, rationibus Germaniae consulere voluit, & repetere Franciam, certe Lotharingicam, & multis ante seculis, Germanici iuris factam. Qui Sigismundum secuti sunt Imperatores & Reges, haud alio erant animo, & inter eos Maximilianus I. indignissime tulit ablatas Germaniae provincias, earumque indice confecto, qui apud Chiffletium extat, repetendi significationem dedit, & malae fidei possessores *usurpatoresque* admonuit officii sui, & obligationis de restituenda re aliena. Carolus V. perinde ac alii, qui praecesserunt, nihil de iure suo remisit, aut deminuit, atque in hoc conceptis verbis obligavit fidem. Cuius augustissimi successores sanctissimo iurisiurandi vinculo se astringi patiuntur, &, nisi fortuna temporum impediat, repetere partes per vim iniuriamque ablatas, & colligere adeo reliquias, atque in corpus Germaniae, a quo avulsae & abstractae sunt, conflare iterum, ac redigere


digere in ditionem pristinam, & promissi implere fi-
 dem, pactique praeſtare capita tenentur, ſi quidem fa-
 cultas praeſtandi ſit, in regno praeſertim per ſuffragi-
 um delato, in quo haec talia communibus auſpiciis
 geruntur. Quicquid ergo non dubii & explorati iu-
 ris habet Germania, ſive trans, ſive cis Alpes, ſive in
 Imperio Ro. & regno Langobardiae, ſive Burgun-
 diae, ſive Lotharingiae, ſive in *Ducatibus* ex ea reli-
 quis, tam ſuperiori & Moſellano, quam inferiori, &
 Brabantiae, ſive in aliis ex Francia media reſiduis
 tractibus regionibusque, id totum, quantumcun-
 que eſt, iuris Germanici eſſe intelligitur, & multis
 rerum documentis, atque indiciis non inanibus li-
 quet. Ipſe ducatus Lotharingiae, qui ex veteri illi-
 us nominis regno ſuper-eſt, nondum ita a rationibus
 Germanicis ſeiunctus eſt, ut prorsus extra Imperi-
 um cenſeatur. Qui ſalvo Imperii, & heredum, ad
 quos pertinet, iure, etiamnum a Chriſtianiſſimo re-
 ge detinetur, de cuius ſalute & libertate Foedera-
 ti, quos haec tangit cura, laborant, & interpoſita pa-
 trocinii ac praeſtandae reſtitutionis fide, conſilia &
 vires coniungunt, ſua & Imperii cauſa non paſſuri,
 ut perantiqui Europae Duces, Imperioque arcte con-
 iuncti, & maximorum Principum, Imperatorum
 Regumque propinqui ac neceſſarii, Caroli V. Ducis
 Lotharingiae, de re Chriſtiana optime meriti fortis-
 M ſimique,


2
finique, & quod caput rei est, veri ac legitimi Lotharingiae
Mosellanae heredes, sede & solo patrio extorres, quae suo
per majores, & continuato per eorum descendentes posse-
ros iure mulcentur, & post tot obtestationes frustra facias,
spe restitutionis suae excidant, atque in misera hac & natali-
bus suis indigna conditione relinquantur. Imperatores Ro. quia
Reges Germaniae, ius in regnum Lothariense, ut regnum Germa-
niae coniunctum, & arte innexum, retinent, atq. usu tituli sum-
mum, neminique obnoxium dominium, in partes eius maxime
Cismosanas competens tuentur. Neque secius Antistites Belgi-
cae primae id titulo munereque Archicancellariatus per Gal-
liam, id est, Belgicam, sive per regnum Lotharingiae Germa-
niae declarant, & admonent, in praescriptione, quae duplici no-
mine interruptur, nihil momenti inesse, neque facile pati-
entiam aut derelictionem posse obtendi, quando rerum inter-
ceptorum tituli servantur, & indicia non levia, neque obscura
suppetunt, quae tempore usurpationis istius, etiam diuturnae,
detinentem in mala fide constituunt, & nullum adeo ius trans-
ferunt in usurpantem. Narrationes Guil. Nangii de Lotha-
ringia Ottoni in beneficium data, implicatae sunt, & cum
falsa opinione, quam ex Hugone Floriacensi hausit, permixtae,
omniumque veteris aevi scriptorum sententiis adversae. Ad
extremum Ducatus Lotharingiae nondum cessus abalienatus-
que est, & ratione supremi iuris etiamnum agnoscit
Germaniam, & concessionem ac privilegia eius sic in
favorem Ducis interpretandae sunt, ut favor
Imperii potior habeatur. Vid. in hanc sen-
tentiam Narrationes MST. in No-
titiam Boccleri,














005644303

